

支那
撰述

楚石禪師語錄

十一
十五



C40
4514
(168)

e40-4514

了翁上座請大藏及有
家書置之武州紫雲山
我微英塔院五府中永
為學者不敢許出院內
當山二世鐵牛機謹誌



B 64853

佛日音 災慧辯楚石禪師語錄卷第十一

舉古下

侍者明遠等編

舉百丈再參馬祖侍立次祖豎起拂子丈云卽此用
離此用祖挂拂子於舊處良久云你他後開兩片皮
將何爲人丈取拂子豎起祖云卽此用離此用丈亦
挂拂子於舊處祖便喝後黃檗到百丈一日辭欲禮
拜馬祖去丈云馬祖已遷化也檗云未審馬祖有何
言句丈遂舉再參因緣云我當時被馬祖一喝直得
三日耳聾黃檗聞舉不覺吐舌百丈云子已後莫承

嗣馬祖否。譬云不然。今日因師舉得見馬祖大機之用。且不識馬祖。若嗣馬祖。已後喪我兒孫。妙喜云。百丈被喝。直得三日耳聾。黃檗聞舉。不覺吐舌。百丈疑其承嗣馬祖。後因臨濟三度問佛法大意。三度打六十棒。便與三日耳聾。出氣臨濟始覺。如蒿枝拂相似。敢問大衆。既是師承。有據。因什麼用處不同。會麼。曹溪波浪。如相似。無限平人。被陸沈師云。百丈豎拂。馬祖一喝。黃檗聞舉。不覺吐舌。臨濟宗興。正法眼滅。父子不傳。神仙秘訣。奈何。後代兒孫。盡喚烏龜作鼈。乃喝一喝。

舉昔有一婆子。施財請趙州和尚。轉大藏經。趙州下禪牀。遶一币云。轉藏已畢。人回舉似婆子。婆云。比來請轉一藏。如何和尚。只轉半藏。妙喜云。衆中商量道。如何是那半藏。或云。再遶一匝。或彈指一下。或咳嗽一聲。或喝一喝。或拍一拍。恁麼見解。只是不識羞。若是那半藏。莫道趙州更遶一匝。直饒百千萬億币。於婆子分上。只得半藏。設使更遶須彌山。百千萬億币。於婆子分上。亦只得半藏。假饒天下老和尚。亦如是。遶百千萬億币。於婆子分上也。只得半藏。設使山河大地。森羅萬象。若草若木。各具廣長舌。相異口同音。

從今日轉到盡未來際於婆子分上亦只得半藏諸人要識婆子麼良久云鴛鴦繡出從君看不把金鍼度與人師云這婆子謂趙州只轉半藏弄假像真當時只消道何不向未遶禪牀時會取

舉世尊將諸聖眾往第六天說大集經勅他方此土人間天上一切獐惡鬼神悉皆集會受佛付囑擁護正法脫有不赴者四天門王飛熱鐵輪追之令集既集會已無有不順佛勅者各發弘誓擁護正法唯有一魔王謂世尊云瞿曇我待一切眾生成佛盡眾生界空無有眾生名字我乃發菩提心薦福懷云臨危

不變真大丈夫諸仁者作麼生着得一轉語與黃面老子出氣尋常神通妙用智慧辯才到此總用不着盡閻浮大地人無不愛佛到者裏何者是佛何者是魔還有辨得出麼良久云欲得識魔麼開眼見明欲得識佛麼合眼見暗魔之與佛以拄杖一時穿却鼻孔雪上加霜妙喜却與釋迦老子代一轉語待

這魔王道衆生界空無有衆生名字我乃發菩提心
只向伊道幾乎錯喚你作魔王此語有兩負門若人
檢點得出許伊具衲僧眼師云澤廣藏山狸能伏豹
二大老何用多言只消對魔王道魔王魔王你認那
箇作菩提心還識得也未設使一切衆生成佛盡衆
生界空無有衆生名字你要發心也未許你在管取
拱手歸降

舉障蔽魔王領諸眷屬一千年隨金剛齊菩薩覓起
處不得忽因一日得見乃問云汝當依何住我一千
年覓汝起處不得菩薩云我不依有住而住我依無

住而住如是而住妙喜云旣覓起處不得一千年隨
從底是什麼金剛齊云我不依有住而住不依無住
而住如是而住互相熱謗法眼道障蔽魔王不見金
剛齊則且置只如金剛齊還見障蔽魔王麼恁麼批
判也是看孔着楔卽今莫有知妙喜起處底麼喝云
寐語作麼師云金剛齊道我不依有住而住不依無
住而住如是而住一時被障蔽魔王捉敗了也雖然
也須扶起金剛齊始得

舉二十四祖師子尊者因罽賓國王秉劍於前云師
得蘊空否祖云已得蘊空王云旣得蘊空離生歿否

祖云已離生歿王云既離生歿就師乞頭得否祖云身非我有豈況於頭王便斬之白乳涌高數尺王臂自墮妙喜云孟八卽漢又與麼去師云似則也似是則未是

舉二十五祖波舍斯多因與外道論義外道云請師默論不假言說祖云不假言說孰知勝負外道云但取其義祖云汝以何爲義外道云無心爲義祖云汝既無心安得義乎外道云我說無心當名非義祖云汝說無心當名非義我說非心當義非名外道云當義非名誰能辨義祖云汝名非義此名何名外道云

爲辨非義是名無名祖云名既非名我亦非義辨者是誰當辨何物如是往反五十九番外道杜口信伏妙喜云婆舍斯多何用忉怛當時若見他道請師默論不假言說便云義墮了也卽今莫有與妙喜默論者麼或有箇衲僧出來道義墮了也我也知你向鬼窟裡作活計師云我若作二十五祖纔見外道入門便連棒打出豈不丈夫更待他道請師默論至於往反五十九番遠之遠矣

舉六祖能大師因僧問黃梅意旨什麼人得祖云會佛法人得僧云和尚還得否祖云我不得僧云和尚

爲什麼不得祖云我不會佛法妙喜云還見祖師麼
若也不見徑山與你指出芭蕉芭蕉有葉無丫忽然
一陣狂風起恰似東京大相國寺裏三十六院東廊
下壁角頭王和尚破袈裟畢竟如何歸堂喫茶師云
棒打石人頭曝曝論實事

舉牛頭下安國玄挺禪師因僧問五祖云真性緣起
其義云何祖默然時師侍次乃謂大德正興一念問
時是真性中緣起其僧言下大悟妙喜云未興一念
問時不可無緣起也時有僧云未興一念問時喚什
麼作緣起妙喜云我也只要你恁麼道師云崑崙奴

著鐵袴打一棒行一步

舉杭州徑山國一欽禪師因馬祖遣人送書到書中
作一圓相師發絨見遂於圓相中着一點却封回後
忠國師聞乃云欽師猶被馬師惑雪竇云徑山被惑
且置若將呈似國師別作箇什麼伎倆免被惑去有
老宿云當時坐却便休亦有道但與畫破若與麼只
是不識羞敢謂天下老師各具金剛眼睛廣作神通
變化還免得麼雪竇見處也要諸人共知只這馬師
當時畫出早自惑了也妙喜云馬師仲冬嚴寒國一
孟夏漸熱雖然寒熱不同彼此不失時節忠國師因

甚却道欽師猶被馬師惑還委悉麼無風荷葉動決
定有魚行師云圓相中着點墨日月無光天地黥黑
初未惑欽師馬師先自惑累及老南陽也一場狼籍
良久平生肝膽向人傾相識如同不相識

舉烏窠禪師因侍者會通一日作辭師乃問汝今何
往通云某甲爲法出家和尚不垂慈誨今往諸方學
佛法去師云若是佛法吾此間亦有少許通云如何
是和尚此間佛法師於身上拈起布毛吹之侍者因
而有省大瀉秀云可惜這僧認他口頭聲色以當平
生殊不知自己光明蓋天蓋地妙喜云瀉山與麼批

判也未夢見烏窠在師云會通於拈起布毛處便喝
免致諸方檢點我恁麼道也是爲他間事長無明
舉無着和尚送供往臺山文殊相迎次問大德從何
方而來着云南方文殊云南方佛法如何住持着云
末法比丘少奉戒律文殊云多少衆着云或三百或
五百着却問文殊此間如何住持文殊云凡聖同居
龍蛇混雜着云多少衆文殊云前三三後三三妙喜
云當時若見只向他道和尚如是住持直是不易師
云畢竟前三三後三三三三三三三三三三三三三
三我不如你你自會得好

舉南泉示眾云江西馬祖說卽心卽佛王老師不恁麼不是心不是佛不是物恁麼還有過麼時趙州出禮拜了去有僧問趙州云上座禮拜了去意作麼生州云汝却問取和尚僧遂問泉適來論上座意作麼生泉云他却領得老僧意旨妙喜云兩箇老漢雖然鞞裏動指殊不知傍觀者哂師云南泉趙州總被這僧一狀領過

舉南泉一日問座主講得什麼經主云彌勒下生經泉云彌勒什麼時下生主云現在天宮未來泉云天上無彌勒地下無彌勒洞山价舉問雲居居云天上無彌勒地下無彌勒未審誰與安名洞山被問直得禪牀震動乃云吾在雲岩曾問老人直得火爐震動今日被子問直得通身汗流大陽玄云如今老僧舉起也有解問者致將一問來乃云地動也妙喜云禪牀動火爐動地動卽不無這三箇老漢要見南泉直待彌勒下生始得忽有箇漢出來道天上無彌勒地下無彌勒却教什麼人下生又作麼生對但向他道老僧罪過師云啼得血流無用處不如緘口過殘春舉南泉因陸巨大夫云肇法師也甚奇怪解道天地同根萬物一體泉指庭前牡丹云大夫時人見此一

株花如夢相似妙喜云若向理上看非但南泉謾他陸亘大夫一點不得亦未摸着他脚跟下一莖毛在若向事上看非但陸亘大夫謾他南泉一點不得亦未夢見他汗臭氣在或有出來道大小徑山說理說事只向他道但向理事上會取師云大眾還會麼你若向天地同根萬物一體上會落在肇法師圈積裏若向理事上會又落在妙喜葛藤中總無自由分只如南泉指牡丹向陸亘道大夫時人見此一株花如夢相似你畢竟如何會天寧不惜眉毛爲你諸人下箇註脚平蕪盡處是青山行人更在青山外

舉鵝湖問諸碩德行住坐臥畢竟以何爲道對云知者是湖云不可以智知不可以識識何謂知者是有對云無分別是湖云善能分別諸法相於第一義而不動安得無分別有對云四禪八定是湖云佛身無爲不墮諸數安得四禪八定是耶舉衆杜口妙喜云相罵饒你接嘴相啞饒你潑水師云僧投寺裡宿賊打不防家

舉百靈一日路次見龐居士乃問昔日南嶽得力句曾舉向人麼士云曾舉來靈云舉向甚人士以手自指云龐公靈云真是妙德空生也贊之不及士却問

靈得力句是誰得知靈便戴笠子而去士云善爲道路靈一去更不回首妙喜云這箇話端若不是龐公幾乎錯舉似人雖然如是百靈輸他龐老一著何故當時不得箇破笠頭遮却髑髏有甚面目見他龐公師云百靈戴笠便去得力句分明舉似來因甚麼妙喜老人道百靈有甚面目見他龐公也是扶強不扶弱有人與妙喜作主要問作麼生是得力句速道速道擬議不來劈脊便棒

舉龐居士問馬祖不昧本來人請師高着眼祖直下覷士云一種沒弦琴唯師彈得妙祖直上覷士乃作禮祖歸方丈士隨後入云弄巧成拙妙喜云馬大師覷上覷下不無爭奈昧却本來人居士雖禮拜也是渾崙吞箇棗馬師歸方丈士隨後乃云弄巧成拙救得一半師云說甚麼救得一半三十年後換手椎胸去在

舉趙州因僧問學人乍入叢林乞師指示州云喫粥了也未僧云喫粥了也州云洗鉢盂去其僧因此契悟雲門云且道有指示無指示若言有趙州向伊道箇什麼若言無這僧爲甚悟去妙喜云雲門大似阿修羅王攪動三有大城諸煩惱海復喝云寐語作麼

撰述

楚石錄卷十一
五言古詩

九

師云諸仁者要見雲門則易要見妙喜則難請訛在
什麼處劍去久矣你方刻舟

舉趙州因僧辭州問什麼處去僧云諸方學佛法去
州豎起拂子云有佛處不得住無佛處急走過三千
里外逢人不得錯舉僧云與麼則不去也州云摘楊
花摘楊花妙喜云有佛處不得住生鐵秤錘被蟲蛀
無佛處急走過撞着嵩山破竈墮三千里外逢人不
得錯舉兩箇石人鬪耳語恁麼則不去也此話已徧
行天下摘楊花摘楊花唵摩尼達里吽唵吒靈隱岳
舉妙喜語了云妙喜老人盡力道只道得到這裏還

知香山落處麼鐵山崩倒壓銀山盤走珠兮珠走盤
密密鴛鴦間繡出金針終不與人看師云妙喜老祖
唱之於前天寧遠孫和之於後門前種高荳高荳生
火筋火筋開蓮華蓮華結木瓜木瓜忽然擲落地撒
出無數無數脂麻何也且要入拍

舉趙州與文遠論義鬪劣不鬪勝勝者輸胡餅遠云
請和尚立義州云我是一頭驢遠云某甲是驢胃州
云我是驢糞遠云我是糞中蟲州云汝在彼中作什
麼遠云我在彼中過夏州云把將胡餅來妙喜云文
遠在驢糞中過夏面赤不如語直趙州貪他少利贏

得箇胡餅檢點將來也是普州人送賊畢竟如何鵝
王擇乳素非鴨類師云當時文遠待趙州老漢道我
是一頭驢便道輸却胡餅了也老漢取胡餅就手奪
却便行

舉長沙一夕翫月次仰山云人人盡有這箇事祇是
用不得沙云恰是倩汝用去山云你作麼生用沙乃
與一踏踏倒山起來云爾直下似箇大蟲妙喜云皎
潔一輪寒光萬里靈利者葉落知秋闌葺者忠言逆
耳休不休已不已小釋迦有陷虎之機老大蟲却無
牙齒當時一踏豈造次驀然倒地非偶爾眾中還有

緇素得二老出者麼良久云設有也是掉棒打月師
云小釋迦云你作麼生用岑大蟲便與一踏盡謂高
超物外獨步寰中天寧忽俊不禁也擬冷處着把火
二大老如斯吐露於建化門頭足可觀光若是這箇
事料掉無交涉

舉甘贄行者入南泉設齋黃檗爲首座行者請施財
檗云財法二施等無差別行者羿錢出去須臾復云
請施財檗云財法二施等無差別行者乃行颯妙喜
云一等是隨邪逐惡雲居羅漢却較此子師云恁麼
恁麼扶起甘贄推倒黃檗不恁麼不恁麼扶起黃檗

推倒甘贄只如恁麼中不恁麼不恁麼中却恁麼又作麼生師子咬人韓獹逐塊舉爲山同百丈入山作務丈云將得火來麼爲云有丈云狂甚處爲把一枝柴吹兩吹度與丈云如蟲御木妙喜云百丈若無後語洎被典座謗師云百丈却因後語被人覷破帶累典座隨邪逐惡天寧幸是無事汝等諸人來這裏覓箇什麼一言引衆盲相牽入火坑以拄杖一時趕散

舉黃檗示衆云汝等諸人盡是唾酒糟漢與麼行脚何處有今日還知大唐國裏無禪師麼時有僧云只如諸方匡徒領衆又作麼生檗云不道無禪只是無師妙喜云且道是醍醐句毒藥句師云殺人刀活人劍具眼者辨取

舉黃檗一日因南泉問定慧等學明見佛性此理如何檗云十二時中不依倚一物始得泉云莫便是長老見處麼檗云不敢泉云漿錢且置草鞋錢教誰還檗休去妙喜云路逢劍客須呈劍不是詩人不獻詩師云又是逢便室又是落便宜

舉仰山因僧問法身還解說法也無山云我說不得別有一人說得僧云說得底人在甚麼處山乃推出

枕子爲山聞乃云寂子用劍刃上事妙喜云爲山正是憐兒不覺醜仰山推出枕子已是漏逗更着名字喚作劍刃上事悞他學語之派便恁麼承虛接響流通將去妙喜雖則借水獻花要且理無曲斷卽今莫有傍不肯底出來我要問你推出枕子還當法身說法也無師云這僧問法身說法蹉過也不知仰山推出枕子又何曾見大小爲山將錯就錯配作劍刃上事縛作一束秤上秤來八兩半斤如無輕重若也當時纔見這僧道法身還解說法也無便驟步歸方丈豈不是出格宗師免得天下衲僧貶別

舉仰山因問香巖師弟近日有悟道頌試舉看遂舉擊竹頌山云此是間時構置又舉一偈云去年貧未是貧今年貧始是貧去年貧尚有卓錫之地今年貧錫也無山云你只得如來禪不得祖師禪又呈一偈云吾有一機瞬目視伊若人不會別喚沙彌山云且喜師弟會祖師禪妙喜云爲山晚年好則劇教得一棚肉傀儡直是可愛且作麼生是可愛處面面相看手脚動爭知語話是他人師云師兄師弟去年今年論什麼道說什麼禪總是掉棒打月何異掘地討天禪禪也無妙也無玄莫把封皮作信傳

舉香巖示眾云如人在千丈懸崖口銜樹枝手無所攀脚無所踏忽有人問西來意不對則違他所問若對則喪身失命當恁麼時作麼生卽是時有虎頭上座云上樹卽不問未上樹請和尚道巖呵呵大咲妙喜云吞得栗棘蓬透得金剛圈看這般說話也是泗洲人見大聖師云香巖老人曲說方便虎頭上座未辨端倪若論激揚此事三生六十劫

舉靈雲見菟花悟道有頌三十年來尋劍客幾回落葉又抽枝自從一見菟花後直至於今更不疑舉似爲山山云從緣得入永不退失汝善護持次舉似玄

沙沙云諦當甚諦當敢保老兄未徹在妙喜云一家有事百家忙師云人無遠慮必有近憂直饒百鍊精金不免入爐再煅

舉睦州見僧來云見成公案放你三十棒僧云某甲如是州云門前金剛爲什麼豎拳僧云金剛尚乃如是州便打妙喜云雖然無孔笛撞着氈拍板直是五音調暢六律和諧子細檢點將來未免傍觀者哂且道誰是傍觀者良久云不得動着動着打折驢腰師云睦州與這僧二俱作家二俱不作家還有人辨得出麼

舉臨濟侍德山次山云今日困濟云這老漢寐語作
麼山便打濟掀倒禪牀雲峯悅云奇怪諸禪德此二
員作家一撥一捺略露風規大似把手上高山雖然
如是未免傍觀者哂且道誰是傍觀者喝一喝下座
妙喜云雲峯與麼批判大似普州人徑山若見縛作
一束送在河裏不見道蚌鷸相持俱落澳人之手師
云衆中道德山臨濟好手手中呈好手紅心心裏中
紅心殊不知用盡自己心笑破他人口

舉臨濟垂問有一人論劫在途中不離家舍有一人
離家舍不在途中阿那箇合受人天供養妙喜云賊
身已露師云天共白雲曉水和明月流

舉保壽問胡釘鉸云莫是胡釘鉸麼胡云不敢壽云
還釘得虛空否胡云請和尚釘破來壽便打胡云莫
錯打某甲壽云汝向後遇多口阿師與汝點破在胡
後到趙州舉前話問不知某甲過在甚處州云只這
一縫尚不奈何釘鉸於此有省妙喜云直饒釘得這
一縫檢點將來亦非好手可憐兩箇老禪翁却對俗
人說家醜師云胡釘鉸元不知這一縫當時趙州若
不與賊過梯便是踏破百二十綱草鞋也未瞥地在
雖然釘鉸明得也較保壽三千里

舉三聖問雪峯透網金鱗以何爲食峯云待汝出網
來却向汝道聖云一千五百人善知識話頭也不識
峯云老僧住持事繁妙喜云一人麤似丘山一人細
如米末雖然麤細不同秤來輕重恰好徑山今日真
實告報諸人切忌鑽龜打瓦師云透網金鱗以何爲
食待汝出網來却向汝道衝開碧落松千尺截斷紅
塵水一溪

舉南院因僧問赤肉團上壁立千仞豈不是和尚恁
麼道院云是僧便掀倒禪牀院云你看這瞎漢亂做
僧擬議院打出妙喜云吾今爲汝保任此事終不虛
也師云這僧敢在毒蛇頭上揩痒蒼龍領下批鱗誰
不賞他大膽只是未上少了一着自出洞來無敵手
得饒人處且饒人

舉興化一日云克賓維那爾不久爲唱導之師賓云
我不入這保社化云會了不入不會不入賓云總不
與麼化便打乃云克賓維那法戰不勝罰錢五貫設
饋飯一堂至明日興化自白槌云克賓維那法戰不
勝不得喫飯即便趨出雲居舜云大冶精金應無變
色其奈興化令行太嚴不是克賓維那也大難承當
若是如今汎汎之徒翻轉面皮多少時也妙喜云雲

居拗曲作直妙喜道要作臨濟烜赫兒孫直須翻轉
面皮始得師云克賓法戰不勝興化據令而行稱提
臨濟宗風揭示正法眼藏棒頭出孝子佛法無人情
當時將謂茅長短燒却元來地不平寶壽神志異
舉石頭因藥山問三乘十二分教某甲麤知嘗聞南
方直指人心見性成佛實未明了伏望和尚慈悲指
示頭云與麼也不得不與麼也不得與麼不與麼總
不得汝作麼生山佇思頭云汝因緣不在此江西有
馬大師子往彼去應爲汝說山至彼准前請問馬師
云我有時教伊揚眉瞬目有時不教伊揚眉瞬目有

時教伊揚眉瞬目是有時教伊揚眉瞬目不是山於
是有省便作禮馬師云子見箇什麼道理山云某甲
在石頭時如蚊子上鐵牛馬師云汝旣如是宜善護
持妙喜云好箇話端阿誰會舉舉得十分未敢相許
師云藥山只知蚊子上鐵牛不知鐵牛叮蚊子露柱
親遭一口燈籠無地藏身嚇得馬大師變作老妙喜
我且問你話端從甚麼處說起相罵饒你插背相唾
饒你潑水

舉洞山示衆云秋初夏末東去西去直須向萬里無
寸草處去始得只如萬里無寸草處作麼生去後有

舉似石霜霜云出門便是草山聞乃云大唐國內能有幾人妙喜云師子一滴乳迸散十斛驢乳師云賊是小人智過君子

舉夾山示眾云百草頭薦取老僧開市裏識取天子雲門云蝦蟇鑽你鼻孔毒蛇穿你眼睛且向葛藤裡會取妙喜云夾山塚生招箭雲門認賊爲子雖然如是知恩者少負恩者多師云百草頭薦阿誰開市裏識什麼

舉九峯在石霜爲侍者因普會遷化眾舉首座住持峯云須明得先師意始可住遂問先師道如古廟裏香爐去冷湫湫地去如一條白練去口邊生醜去首座作麼生會座云明一色邊事峯云未會先師意在不得住座云裝香來我若不會先師意香煙起時脫去不得及至香煙纔起首座脫去峯乃於背上撫云坐脫立亾卽不無首座先師意未夢見在妙喜云兩箇無孔鐵鎚就中一箇竄重師云首座坐脫立亾侍者說黃道黑先師意在鈎頭須信曲中有直若在臨濟門下三十棒教誰喫纔說是非者便是是非人舉曹山示眾云諸方盡把格則何不與他一轉語教他不疑去雲門便問密密處爲甚不知有山云只爲

推述
夏不語金卷一
密密所以不知有門云此人如何親近山云莫向密密處親近門云不向密密處親近時如何山云始解親近門應諾諾妙喜云濁油更點濕燈心師云雪山南面三千里

舉乾峯示眾云舉一不得舉二放過一着落在第二雲門出眾云昨日有人從天台來却往徑山去峯云明日不得普請便下座妙喜云乾峯洗面摸着鼻雲門喫飯咬着沙二人驀地相逢着元來却是舊冤家雖然如是只許老胡知不許老胡會又云彼此揚家醜賴遇無傍觀者師云兩箇駝子相逢着世上如今

無直人

舉雪峯因僧問古澗寒泉時如何峯云瞪目不見底僧云飲者如何峯云不從口入趙州聞僧舉乃云終不從鼻孔裏入僧却問古澗寒泉時如何州云苦僧云飲者如何州云死峯聞得乃云趙州古佛遂遙望作禮從此不答話妙喜云雪峯不答話疑殺天下人趙州道苦面赤不如語直若是妙喜則不然古澗寒泉時如何到江扶櫓棹出岳濟民田飲者如何清涼肺腑此語有兩負門若人辨得許你有叅學眼師云妙喜老人可謂人平不語水平不流

舉高亭初往叅德山隔江見德山在江岸坐乃隔江問訊山以手招之亭忽開悟便迴更不渡江遂返高亭住持妙喜云高亭橫趨而去許伊是箇靈利師僧若要法嗣德山則未可何故猶與德山隔岸在師云如今衆中商量道高亭見德山不與他說話便去所以妙喜道猶與德山隔岸在還會夢見高亭麼拈起拄杖云便好喚回與一頓且道是賞伊是罰伊

舉玄沙示衆云諸方盡道接物利生忽遇三種病人來且作麼生接患盲者拈槌豎拂他又不見患聾者語言三昧他又聞患瘧者教伊說又說不得且作麼生接若接不得佛法無靈驗當時地藏出云某甲有眼耳和尚作麼生接沙云慚愧便歸方丈雲門因僧請益云汝禮拜着僧拜起門以拄杖拄之僧乃退後門云汝不是患盲復喚近前來僧纔近前門云汝不是患聾門云還會麼僧云不會門云汝不是患瘧其僧於是省妙喜云這僧雖然悟去只悟得雲門禪若是玄沙禪更着草鞋行脚師云玄沙雲門氣急殺人彼自無瘡勿傷之也

舉玄沙與天龍入山見虎龍云前面是虎沙云是汝阿虎龍歸院乃問適來山中未審和尚尊意如何沙

二云娑婆世界有四種重障若人透得許出陰界妙喜
二云也知和尚爲人切師云畢竟見箇什麼隨例道虎
蝦跳不出斗

舉雲門問直歲什麼處去來歲云刈茅來門云刈得
幾箇祖師歲云三百箇門云朝打三千暮打八百東
家杓柄長西家杓柄短又作麼生歲無語門便打妙
喜云直歲無語自有三百箇祖師證明雲門令雖行
要且棒頭無眼師云大小雲門却被直歲勘破

悟道見色明心乃云觀世音菩薩將錢來買胡餅放
下手元來却是饅頭妙喜拈拄杖云者箇是色卓拄
杖云這箇是聲諸人總見總聞那箇是明底心那箇
是悟底道喝一喝云貪他一粒粟失却半年糧復卓
一下師云汝等諸人不是不聞聲因什麼不悟道不
是不見色因什麼不明心雲門潛麼提撕妙喜潛麼
判斷一曲兩曲無人會雨過夜塘秋水淡

舉保福因僧問家貧遭劫時如何福云不能盡底去
僧云爲什麼不盡底去福云賊是家親僧云既是家
親爲什麼翻成家賊福云內旣無應外不能爲僧云
忽然捉敗功歸何處福云賞亦不會聞僧云恁麼則

勞而無功福云功卽不無成而不取僧云旣是成功爲什麼不取福云不見太平本是將軍致不許將軍見太平妙喜云絲來線去弄精蒐師云家無白澤之圖必無如是妖怪

舉法眼問修山主毫釐有差天地懸隔兄作麼生會主云毫釐有差天地懸隔眼云與麼又爭得主云某甲只與麼未審和尚作麼生眼云毫釐有差天地懸隔主便拜妙喜云法眼與修山主絲來線去綿綿密密扶起地藏門風可謂滿目光生若是徑山門下更買草鞋行脚始得何故毫釐有差天地懸隔甚麼處得這消息來師云二老漢不會轉身句如今忽問天寧毫釐有差天地懸隔時如何向他道昨日有人問二十棒趁出院去也

舉法眼有時指癡子云識得癡子周匝有餘後來雲門道識得癡子天地懸隔妙喜云識得癡子好剃頭洗脚雖然如是錯會者多師云莫將閒話當閒話往往事從閒話生

舉修山主示衆云具足凡夫法凡夫不知具足聖人法聖人不曾聖人若會卽是凡夫凡夫若會卽是聖人此語具一理二義若人辨得不妨於佛法中有箇

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

卷之十一

九不盡卷十一

三十三

入處若辨不得莫道不疑妙喜云點鐵化爲金玉易
勸人除却是非難師云修山主契處難忘也是胡地
冬抽筭

舉法雲因百法座主云禪家流多愛脫空雲造前問
承聞座主講得百法論是否主云不敢雲云昨日晴
今日雨是甚麼法中收主無對雲云莫道禪家流多
愛脫空好主抗聲云和尚且道昨日晴今日雨是什
麼法中收雲云四十二時分不相應法中收主乃屈
服作禮而謝妙喜云昨日雨今日晴時分不相應三
日後看取師云雲自帝鄉去水歸江漢派

佛日普照慧辯楚石禪師語錄卷第十一

音切

蒿呼豪切 鍼之林切 緘古咸切 瀉爲音切 擲都年切 傀上古切 偏下力切

回子葛切 捺乃曷切 蚌步切 項余律切 鵲古効切 措可皆切

醜匹卜切 摸莫奴切 蝦下加切 溜時及切

嘉典信官張如鏡 季文學 范可大 馮胤禎
共施貲刻此
楚石禪師語錄第十一卷 昆明沙彌真玄對
吳州王國英書 江寧張文刻
萬曆庚寅秋五臺山妙德菴識

文輝

卷之十一

三十三

佛日普照慧辯楚石禪師語錄卷第十二
頌古

侍者胤丘等編

舉德山小叅示眾云老僧今夜不答話問話者三十
棒時有僧出禮拜德山便打僧云某甲話也未問爲
什麼打某甲山云你是甚處人僧云新羅人山云未
跨船舷好與三十棒瀆眼云大小德山話作兩橛圓
明云大小德山龍頭虵尾雪竇云德山握閫外之威
權有當斷不斷不招其亂底劍要識新羅僧只是撞
着露柱底瞎漢

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

卷之五

一

塗毒鼓未擊早是鴨聞雷漫天網未收躍鱗衝浪
來德山老德山老正令當行非草草濃眼重加矢
上尖圓明更向聲前掃千古流芳雪竇師長劍在
手親提持

舉德山挾襖子到為山上濃堂從東過西從西過東
為山默坐不顧德山云無無便下去復云也不得草
草遂具威儀見為山提起坐具云和尚為山擬取拂
子德山便喝當時背濃堂着草鞋便去為山至晚問
首座適來新到在什麼處首座云當時背濃堂着草
鞋便去為山云還識此子麼已後向孤峯頂上蟠結

草庵呵佛罵祖去在

作家相見無背無面眼似流星機如閃電提起坐
具略露鋒鋌擬取拂子聊乘快便已後孤峯結草
菴牛頭向北馬頭南

舉南泉叅百丈涅槃和尚丈問從上諸聖還有不為
人說底濃麼泉云有丈云作麼生是不為人說底濃
泉云不是心不是佛不是物丈云說了也泉云普願
只恁麼未審和尚如何丈云我又不是善知識爭知
有說不說泉云普願不會丈云我太煞為你說了也
為人不為人水上捉麒麟說濃不說濃證龜却成

支那

卷之五

七

鰲百丈南泉陣勢旣圓只拋瓦子相擊錯教千古
流傳

舉百丈再叅馬祖祖舉拂子丈云卽此用離此用祖
掛拂子於舊處侍立丈頃祖云你已後鼓兩片皮如
何爲人文取拂子舉起祖云卽此用離此用丈掛拂
子祖便喝丈大悟後人謂黃檗云我當時被馬師一喝
直得三日耳聾

大丈夫須勦絕纔涉商量便成塗轍畫餅不可充
饑喫鹽那能止渴馬駒踏殺天下人未是當時這
一喝

舉道吾至一家吊慰漸源撫棺問生耶歿耶吾云生
也不道歿也不道源云爲什麼不道吾云不道不道
後於石霜再舉始知落處一日將鋏子於灑堂上從
東過西從西過東霜云作什麼源云覓先師靈骨霜
云洪波浩渺白浪滔天覓什麼靈骨源云正好着力
太原字云先師靈骨猶在

生也不道歿也不道滿口含霜全身入草先師靈
骨廓爾現前不用鐵鋏斲地從教白浪滔天大可
憐不是顛海枯終見底人歿脚皮穿

舉靈山會上一女子於佛前入定佛勅文殊出之

文殊遶女子三遭鳴指一下女子入定儼然文殊遂
 運神力托至梵天撲下女子亦復儼然佛云非但汝
 一人出此女子定不得設使千百萬億文殊亦出不
 得下界有罔明菩薩能出此定佛語未竟罔明從地
 湧出佛勅令出定罔明遶女子三匝鳴指一下女子
 遂出定老宿徵云文殊是七佛之師為什麼出女子
 定不得罔明為什麼却出得想思云寶來相變骨
 一切處是定出入有何拘瞿曇推倒女子罔明扶
 起文殊咄咄嘘噓噓覲面相逢不識渠
 舉青原謂石頭云人人盡道曹溪有消息頭云有人

不道曹溪有消息原云大藏小藏從何得頭云盡從
 這裏去諸事總不闕

有消息無消息誰弄的無消息有消息也奇特大
 藏小藏從何得生鐵蒺藜當面擲

舉僧問雲門佛灑如水中月是否門云清波無透路
 僧云和尚從何得門云再問復何來僧云便與麼去
 時如何門云重疊關山路

水中本無月捏目自生花到處覓相似苦哉佛隨
 耶問前三十棒問後趁出院大小大雲門與人通

一線

舉僧問龍牙二鼠侵藤時如何牙云須知有隱身處始得僧云如何是隱身處牙云還見儂家麼

藤枝迴秀二鼠難侵不如不異非古非今儂家面目只這是曠劫何人住生歟

舉圓覺經云以大圓覺爲我伽藍身心安居平等性智

虛空包不盡大地載不起任是老瞿曇於斯難下紫黃金粧白牯五彩畫狸奴脚不離門限長年走長途

舉僧問雪峯古澗寒泉時如何峯云瞪目不見底僧

云飲者如何峯云不從口入後有僧舉似趙州州云不可從鼻孔裏入去也僧却問古澗寒泉時如何州云苦僧云飲者如何州云死雪峯聞之云趙州古佛從此不答話

來問不離窠應機非逸格雪峯與趙州一窖俱埋却要知古澗寒泉初非湛湛涓涓無限盲驢拽磨大鵬背負青天

舉外道問佛不問有言不問無言時如何世尊良久外道云世尊大慈大悲開我迷雲令我得入外道既去阿難問云外道有何所證世尊云如世良馬見鞭

影而行

有言無言俱不問追風駿馬猶爲鈍忽然自肯點頭時豈待重將鞭影施誰又何疑巍巍堂堂三界大師

舉僧問六祖黃梅意旨是甚麼人得祖云會佛灑人得僧云和尚還得也無祖云我不得僧云爲甚麼不得祖云我不會佛灑

黃梅有甚意旨六祖元是樵夫道我不會佛灑茫茫接響承虛若非一筆勾下轉見滋蔓難圖六六元來三十六長江風緊浪花麤

舉太原孚上座問鼓山父母未生時鼻孔在什麼處山云卽今生也鼻孔在什麼處孚不肯乃云你問我與你答山云父母未生前鼻孔在什麼處孚乃搖扇而已

父母未生鼻孔崢嶸及乎生也大頭向下鼓山放過太原太原勘破鼓山拈起手中扇子是非都不相關

舉乾峯示衆云舉一不得舉二放過一著落在第二雲門出云昨日有一僧從天台來卻往徑山去峯云典座今日不得普請

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

寒石詩錄卷十一

六

赤鳥飛白兔走山茶華水酒柳兩兩不成雙三三亦非九夜來海底剔金燈天曉面南看北斗

舉雲巖問道吾大悲菩薩用許多手眼作麼吾云如人夜間背手摸枕头子相似巖云我會也吾云你作麼生會巖云徧身是手眼吾云太煞道只道得八成巖云你又作麼生吾云通身是手眼

通身徧身是手是眼一物元無十虛充滿雲巖盡力道只道得八成不是僧繇手徒說會丹青

舉洞山夏末示衆云秋初夏末東去西去直須向萬里無寸艸處去衆無語僧舉似石霜霜云何不道出

門便是草

靜悄悄鬧浩浩鬧浩浩靜悄悄新豐萬里無寸草瀏陽出門便是草如今要見二大老鶻眼龍睛何處討

舉定山夾山同行定山云生處中無佛則無生處夾山云生處中有佛則不迷生處二人各謂已語親切往大梅舉而質之梅云一親一疏二人下去次日夾山往問阿那箇親梅云親者不問問者不親夾山住院後舉此謂衆云我當時失却一隻眼雪竇云夾山畢竟不知當時換得一隻眼

支那

卷十一

七

推述
卷十二
十一
論佛論生歟有無俱未是大梅老凍臙失却拄杖
子當時各與三十徧界無錐可立特地分別親疎
受他當面塗糊戳瞎摩醯頂門眼開發人天有何
限

舉趙州云老僧答話去也有解問底致將一問來時
有僧出禮拜州云比來拋擲引玉却引得箇墜子下
座後濃眼舉問覺鐵觜此意如何覺云與和尚舉箇
喻如國家拜將相似問云誰人去得有一人云某去
得答云汝去不得濃眼云我會也

獎雪橫戈撒星排陣索戰無功一場氣悶老僧答
話也豈是教你問拋擲引玉大坐慈脫穎囊錐徒
逞俊覺鐵觜覺鐵觜看看平地波濤起

舉馬祖百丈西堂南泉翫月次祖指月問西堂正當
恁麼時如何西堂對云正好供養問百丈丈對云正
好修行問南泉泉拂袖便去祖云經入藏禪歸海惟
有普願獨超物外

描也描不成畫也畫不就大地與山河光明處處
透百丈西堂供養修行金春玉應虎步龍驤獨有
南泉較些三星流不問三千里

舉金牛行食次問龐居士云生心受食淨名已訶去

此二途居士還甘否士云當時善現豈不作家牛云
豈干他事士云食到口邊被人奪却牛便行食士云
不消一句子

金牛勾賊破家龐公據欸結案往來古路脩然翻
憶淨名善現一句子沒疏親錦上鋪花色轉新

舉師祖問南泉摩尼珠人不識如來藏裏親收得如
何是藏泉云王老师與你往來者是藏雪竇云草裏
漢祖云直得不往來時如何泉云亦是藏雪竇云雪
上更加霜祖云如何是珠泉云師祖祖云諾雪竇云
百丈竿頭作伎倆未是險若向箇裏着得一隻眼竇

主互換便能深入虎穴或不恁麼直饒師祖悟去也
是龍頭地尾漢

聲前拋不出句後覓無踪今古強描邈墮他光影
中摩尼珠作麼會提起金鎚百鍊碎

舉僧問藥山如何是道中至寶山云莫諂曲僧云不
諂曲時如何山云傾國不換

道中至寶傾國不換捨已從人藥山老漢分明莫
諂曲萬古歸一貫白壁與黃金從教泥土賤

舉僧問雲門學人不起一念還有過也無門云須彌

山

須彌山見何難日晝月夜地瀾天竟君不見神光
斷臂立溪雪覓不得心心自安

舉僧問投子一大藏教還有奇特事也無子云演出
一大藏

投子一言旋乾轉坤指不自觸舌何可捫量外提
持兮盡同魔說目前包裹兮三世佛冤也無妙也
無玄可憐尋劍客空認刻舟痕

舉智門問五祖戒和尚暑往寒來則不問林下相逢
事若何戒云五鳳樓前聽玉漏門云爭奈主山高案
山低戒云須彌頂上擊金鐘

耳卓朔頭鬢鬆斬釘截鐵逸格超宗五鳳樓前聽
玉漏須彌頂上擊金鐘

舉本仁示眾云尋常不欲向聲前句後鼓弄人家男
女何故且聲不是聲色不是色僧問如何是聲不是
聲仁云喚作色得麼僧云如何是色不是色仁云喚
作聲得麼僧無語仁云且道爲汝說答汝話若人辨
得許你有箇入處

沙裡尋油爐邊聽水非色非聲滿眼滿耳不施本
分鉗鎚空費自家唇齒問到甚時休答從何處止
比他臨濟德山直是白雲萬里

舉雲門問僧云古佛與露柱相交是第幾機僧無語
門云你問我與你道僧遂問門云一條條三十文僧
云如何是一條條三十文門云打與代前語云南山
起雲北山下雨

雲門跛脚師只有一張口嚼碎太虛空須彌顛倒
走南山起雲北山下雨知音何在頻頻舉

舉教中道未離兜率已降王宮未出母胎度人已畢
一二三四五六七七八九
摩詰鼻孔眼睛俱打失黑如漆明如日四溟東海
流般若波羅蜜

舉僧問雲門生處到來如何回避門云在什麼處

華落華開月圓月缺寒則普天普地寒熱則普天

普地熱踏著秤錘硬似鐵甕裏何曾失卻鼈

舉丹霞初見馬祖以兩手托幪頭祖云吾非汝師南

嶽石頭處去霞遂至石頭如前托幪頭頭云著槽廠

去霞依童行次一日石頭為衆云今日齋後普請剗

佛殿前艸衆競具鋤鎌霞獨洗頭捧剃刀於石頭前

胡跪頭云作什麼霞云請師剗艸石頭笑為剃髮呼

為授戒霞掩耳而去卻回江西馬祖院騎聖僧項衆

驚報馬祖祖親來見乃云我子天然霞遂作禮云謝

師安名祖問甚處來霞云石頭來祖云石頭路滑子
莫曾蹉倒麼霞云若蹉倒則不來也

剔起便行太遲鈍生石頭刻草馬祖安名黃河水
清丹山鳳鳴見斯人兮駕馭崢嶸

舉雲門示眾云乾坤之內宇宙之間中有一寶祕在
形山著燈籠向佛殿裏拈三門安燈籠上

有句無句是住非住形山在這裏實在甚麼處陵
宇宙鑠乾坤燈籠佛殿及三門從來沒一絲頭許
北地黃河徹底渾

舉雪峯示眾云盡大地撮來如粟米粒大拋向面前
漆桶不會打鼓普請看

鰲山店上成道象骨峯前入草三箇木毬鞦來一
粒粟米全該直饒打鼓普請看只在目前人不見
舉僧問馬祖如何是佛祖云卽心卽佛

卽心卽佛亘古亘今處空撲落大地平沈昨夜三
更日卓午大蟲咬殺南山虎

舉僧問馬祖如何是佛祖云非心非佛

非心非佛將鎔就鎔不入丹青如何描邈莩花雪
白李花紅日出西方夜落東

舉馬祖與百丈同遊山見野鴨子飛過祖云是什麼

撰述一
苑石言錄卷十二
十三
丈云野鴨子祖云向什麼處去也丈云飛過去也祖將百丈鼻孔扭丈作忍痛聲祖云何曾飛去丈於此有省

野鴨子飛過去有來由無覓處扭鼻從教痛徹天師資切忌尋言路言路絕千里萬里一條鐵

舉僧問鏡清新年頭還有佛灑也無清云有僧云如何是新年頭佛灑清云元正啓祚萬物咸新僧云謝師答話清云鏡清今日失利又僧問明教新年頭還有佛灑也無教云無僧云年年是好日日是好日爲什麼却無教云張公喫酒李公醉僧云老老大人

龍頭蛇尾教云明教今日失利

新年頭佛灑一有還一無明教與鏡清同歸固殊途張公喫酒李公醉贏得清風動天地

舉僧問琅玕清淨本然云何忽生山河大地玕云清淨本然云何忽生山河大地其僧有省

同不同別非別機奪機楔出楔山河大地紅爐雪莫問如今誰動舌

舉僧問長沙本來身還成佛否沙云你道大唐天子還刈茆割稻否僧云成佛又是何人沙云是你成佛知不知

成佛不成佛有言殊未親大唐天子貴不是刈茅
人無端拈出本來身已是重添鏡上塵

舉僧問百丈如何是奇特事丈云獨坐大雄峯僧禮
拜丈便打

仰面不見天低頭不見地獨坐大雄峯全明奇特
事龍吟霧起虎嘯風生大家携手向崢嶸

舉僧問香林如何是室內一盞燈林云三人證龜成
驚

撥動竿頭線來挑室內燈本無恁麼事今古競頭
爭自從香林撲滅誰敢證龜成驚君不見德山棒

臨濟喝但有纖毫帶影來金剛寶劍當頭截

舉麻谷持錫見章敬遶禪牀三帀振錫一下卓然而
立敬云如是如是後到南泉亦遶禪牀三帀振錫一
下卓然而立泉云不是不是谷云章敬道是和尚爲
什麼卻道不是泉云章敬則是是汝不是此是風力
所轉終歸敗壞

如是如是猛虎插翼不是不是青天霹靂遶牀振
錫歸風力一句了然超百億

舉僧問樂山平田淺草塵鹿成羣如何射得塵中塵
山云看前僧便放身倒山云侍者拖出這處漢僧便

起走山云弄泥團漢有什麼數

塵中塵誰解舉射不着有甚數千萬萬弄泥團
到此方知發箭難試與諸人發箭看乃云中也又
云過也

舉雲門示眾云藥病相治盡大地是藥那箇是自己
拈却藥病不立自己一切時中迴無依倚了事衲
僧坐在這裡國有憲章三千條罪

舉乾峯示眾云灑身有三種病二種先須是一一透
得始解穩坐雖然如是更須知有喫用同時向上一
竅始得雲門出眾問云只如庵內人爲什麼不見庵
外事峯呵呵大笑門云猶是學人疑處在峯云子是
什麼心行門云也要和尚相委悉峯云直須恁麼始
解穩坐

十字街頭問路三千里外知音乾峯呵呵大笑雲
門不是好心子期端可鑄黃金山未高兮水未淡
舉靈雲見菟花悟道有頌三十年來尋劍客幾回落
葉又抽枝自從一見菟花後直至如今更不疑玄沙
云諦當甚諦當敢保老兄未徹在

車不橫推理無曲斷兩箇五伯元是一貫春至菟
花滿樹紅爲誰開口咲東風玄沙有語無人識只

要重論汗馬功

舉雲門問洞山近離甚處山云查渡門云夏在甚處
山云湖南報慈門云幾時離彼中山云今年八月門
云放你三頓棒次日洞山往問昨蒙和尚放某三頓
棒未審過在什麼處門云飯袋子江西湖南便恁麼
去洞山大悟

近離查渡夏在報慈一一通來歷一一絕思惟放
汝三頓棒天下人標榜喫雪吹毛爇晃晃

舉三聖問雪峯透網金鱗以何爲食峯云待你出綱
來向你道聖云一千五百人善知識話頭也不識峯

云老僧住持事煩

透網金鱗以何爲食待汝出綱來話頭也不識放
行把住把住放行不知白雪陽春曲更有何人和
得成

舉僧問趙州見說和尚親見南泉是否州云鎮州出
大蘿蔔

趙州親見南泉鼻孔元無半邊鎮州出大蘿蔔天
下衲僧取則打破漆桶坐斷舌頭蘆花明月夜隨
意泊漁舟

舉陸巨大夫謂南泉云肇灑師也甚奇怪解道天地

與我同根萬物與我一體泉云大夫陸應諾泉指花
云時人見此一株花如夢相似

天地同根萬物一體金不博金水不洗水此一株
花如夢相似陸巨大夫南泉老子

舉雲門示眾云十五日已前則不問汝十五日已後
道將一句來眾無對自代云日日是好日

暑往寒來東湧西沒韶陽老人舌頭無骨一句絕
商量日日是好日咄旨與時人作窠窟

舉僧問洞山如何是佛山云麻三斤

物見主眼卓豎水中月作麼取提起麻三斤休教

地主嗔輸納官租了天地一閑人

舉雪峯示眾云三世諸佛在火燄裏轉天灑輪玄沙
云火燄爲三世諸佛說灑三世諸佛立地聽

三世諸佛一堆紅燄若說若聽無剩無欠雪峯與
玄沙父子真冤家麻上生繩猶自可那堪繩上更

生她

舉東寺問仰山甚處人山云廣州寺云我聞廣州有
鎮海明珠是否山云是寺云作何顏色山云黑月則
現白月則隱寺云子還帶得來麼山云帶得來寺云
何不呈示老僧山云諾慧寂昨到爲山亦被索此珠

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

類石詩金卷之二

直得無言可對無理可伸寺云真師子兒大師子吼
舉世無倫匹當機有舒卷須彌山不高滄浪水猶
淺覲面相呈鎮海珠黑月白月空名模真師子兒
大師子吼頭上著枷脚下著杻仰山幸自可憐生
奈何東寺揚家醜

舉趙州示眾云至道無難唯嫌揀擇但莫憎愛洞然
明白纔有言語是揀擇是明白老僧不在明白裏汝
等還護惜也無僧問既不在明白裏未審護惜箇什
麼州云我亦不知僧云和尚既不知爲什麼不在明
白裏州云問事則得禮拜了退

本無虧曾不隔誰揀擇是明白心憤憤口喃喃幾
度浮雲生碧落依然明月照寒潭

舉石頭示眾云言語動用沒交涉藥山云非言語動
用亦沒交涉頭云我這裏針劊不入山云我這裏如
石上栽花

輓芥投針買鉄得金把羶拍板彈沒絃琴承虛接
響人無數到底難傳太古音

舉雪峰示眾云望州亭與諸人相見了也烏石嶺與
諸人相見了也僧堂前與諸人相見了也後保福舉
問鵝湖僧堂前則且置什麼處是望州亭烏石嶺相

支那

卷之二

八

見鵝湖蹶步歸方丈保福便入僧堂

現前碧綠間青黃萬象森羅不覆藏
揭示雪峯相見眼望州烏石與僧堂
古人恁麼道只道得一半
那一半君自看

舉代宗皇帝問忠國師和尚百年後所須何物國師云要箇無縫塔子帝云請師塔樣國師云會麼帝云不會國師云吾有付瀆弟子耽源却諳此事請詔問之國師遷化後帝召耽源問此意如何耽源呈頌云湘之南潭之北中有黃金克一國無影樹下合同舡瑠璃殿上無知識

只這箇無縫塔上下四維十方周帀長天月落兮影絕光沈大海波生兮聲傳響答峭巍巍風颯颯與他知識何交涉

舉石頭見藥山坐次問你在此作什麼山云一物不爲頭云恁麼則閑坐也山云閑坐則爲也頭云汝道不爲不爲箇什麼山云千聖亦不識石頭以頌讚之從來共住不知名任運相將只麼行自古上賢猶不識造次凡添豈可明

一物不爲合水和泥千聖不識隨聲逐色無繩自縛數如蔴客至燒香飯後茶

舉雲門示眾云人人盡有光明在看時不見暗昏昏
作麼生是光明眾無對自代云僧堂佛殿廚庫山門
青山青白雲白玉轉珠回龍騰鳳躍佛殿與山門
到此俱拈卻眼裏瞳人吹尺八

舉世尊生下周行七步目顧四方一手指天一手指
地自云天上天下惟我獨尊

九龍吐水自空來襯足金蓮徧地開天上人間藏
不得這回未免出胞胎獨稱尊向誰說錯承當第
二月且如何是第一月咄

舉雪峯住菴有二僧到峯見以手托菴門放身出云
是什麼僧亦云是什麼峯低首歸菴其僧後至巖頭
頭問云雪老有何言句僧舉前話頭云雪峯道什麼
僧云雪峯無語頭云噫我悔不當初向伊道有箇末
後句我若向伊道已後天下人不奈雪老何僧至夏
末舉此話請益頭云汝何不早問僧云不敢造次頭
云我雖與雪峯同條生不與雪峯同條歟要識末後
句只這是

巖頭末後句對面三千里雖與雪峯同條生不與
雪峯同條歟只這是何物爲君打破精靈窟

舉天平從漪和尚行腳在西院常云今時莫道會佛

法只覓箇舉話底人也難得一日從西院法堂下過
 西院高聲喚從漪頻舉首院云錯行三兩步院又云
 錯院云適來兩錯是老僧錯是上座錯平云是從漪
 錯院云錯錯少頃院云上座且在此度頁待與你商
 量這兩錯定當時便去後住天平示眾云老僧當年
 行脚被業風吹到汝州西院有箇思明長老勘我兩
 錯便待留我過夏待共我商量我不道恁麼時錯我
 未行脚發足南方行脚時早知道錯了也

應病與藥且下兩錯從公處斷直須出院天平老
 天平老休懊惱客行何似歸家好卻把住道道道

舉疎山拄香巖巖一日上堂有僧問不慕諸聖不重
 已靈時如何巖云萬機休罷千聖不攜疎山作嘔吐
 勢巖云師叔不肯那山云不得無過巖云過在甚處
 山云萬機休罷猶有物在千聖不攜亦從人得巖云
 師叔莫道得麼山云還我癡座與你道於是巖令陞
 座如前問之山云何不道肯諾不得全巖云肯又肯
 箇什麼諾又諾箇什麼山云肯則肯他諸聖諾則諾
 於已靈巖云師叔恁麼道也須倒屣三十年始得後
 住疎山常病返胃一日舉此問鏡清病僧肯諾不得
 全道者作麼生會清云全歸肯諾山云不得全又作

麼生清云箇中無肯路山云始慚病僧意

良工列規矩古鑑辨妍媸掉臂過關者難藏毫髮
私石火鈍電光遲不畱肯諾切忌針錐閑把一枝
無孔笛逆風吹了順風吹

舉趙州問南泉如何是道泉云平常心是道州云還
許趣向也無泉云擬向卽乖州云不擬爭知是道泉
云道不屬知不屬不知知是妄覺不知是無記若真
達不疑之道廓同太虛豈可強是非耶州於言下大
悟

南人不相耳北人不相鼻眉毛在眼上鼻孔裏出

氣巍巍堂堂燁燁煌煌劍號巨關珠稱夜光莫動

著動著三十棒

舉百丈每至陞座常有一老人聽灑一日覓去老人
獨畱丈云汝是何人老人云某非人然某緣五百生
前迦葉佛時曾住此山錯答學人一轉語所以五百
世墮野狐身今欲舉此話請和尚爲答丈云汝試舉
看老人云大修行人還落因果也無某對云不落
因果丈云汝問我與汝道老人遂問大修行人還
落因果也無丈云不昧因果老人遂悟得脫野狐身
化去

百丈野狐蘇盧蘇盧不落不昧悉哩悉哩三三
兩兩過遼西一雙紅杏換消梨

舉風穴在郢州衙內陞座示衆云祖師心印狀似鐵
牛之機去卽印住住卽印破只如不去不住且道印
卽是不印卽是時有盧陂長老出問某甲有鐵牛之
機請師不搭印穴云慣釣鯨鯢澄巨浸却嗟蛙步輾
泥沙波佇思穴便喝云長老何不進語陂擬議穴便
打一拂子云長老還記得話頭麼試舉看陂擬開口
穴又打一拂子牧主云將知佛濃與王麩一般穴云
見箇什麼道理主云當斷不斷返招其亂穴便下座

鐵牛機不搭印堪笑盧陂衝雪刃興化端然坐受
降纖塵不犯碧油幢李將軍有嘉聲在赫赫神威
臨四海

舉僧問洞山寒暑到來如何回避山云何不向無寒
暑處回避僧云如何是無寒暑處山云寒時寒殺闍
黎熱時熱殺闍黎

閉門造車出門合轍換斗移星拈日作月寒時寒
熱時熱木馬走如煙泥牛派出血

舉金牛每至食時自攜飯至僧堂前撫掌呵呵大笑
云菩薩子喫飯來菩薩子喫飯來後僧問長慶菩薩

撰述
卷第十一
二五
子喫飯來意旨如何慶云大似因齋慶贊又僧問大
允長慶道因齋慶贊意旨如何允作舞僧便禮拜允
云作麼生會僧亦作舞允云這野狐精

金牛一盤飯特地糝椒薑不中飽人喫徒勞舞袖
長這僧若是英靈漢毛孔猶須七日香

舉疎山示眾云病僧咸通年已前會法身邊事咸通
年已後會法身向上事雲門出問云如何是法身邊
事山云枯椿門云如何是法身向上事山云非枯椿
門云還許學人說道理也無山云許門云只如枯椿
豈不是明法身邊事山云是門云非枯椿豈不是明

灑身向上事山云是門云未審灑身還該一切也無
山云灑身周徧爭得不該門指淨瓶云還有灑身也
無山云莫向淨瓶邊覓門云諾諾

猛虎口中奪鹿饑鷹爪下分兔踈山撞著雲門可
見寰區獨步咸通已後咸通前灑身向上灑身邊
一條紅線兩人牽只是當時話未圓

舉臺山路上有一婆子僧問臺山路向甚處去婆云
驀直去僧纔行婆云好箇阿師便恁麼去前後僧問
皆如此後有僧舉似趙州州云待我爲你勘破這老
婆遂往問臺山路向甚處去婆云驀直去州纔行婆

云好箇阿師又恁麼去州歸舉似大眾云我爲你勘破這婆子了也老宿拈云什麼處是勘破處

先行不到末後太過趙州屋裏坐勘破臺山婆師子咬人韓獹逐塊七百甲子老兒今日和賊捉敗舉雲門示衆云聞聲悟道見色明心作麼生是聞聲悟道見色明心舉手云觀世音菩薩將錢買胡餅放下手元來却是饅頭

韶陽老人口頭聲色稻麻竹葦衲僧幾箇解知端的元來胡餅是饅頭大丈夫兒合自由

舉鏡清問僧門外什麼聲僧云雨滴聲清云衆生顛

倒迷已逐物僧云和尚作麼生清云泊不迷已僧云意旨如何清云出身猶可易脫體道應難

雨滴聲若爲聽不迷已誰側耳爲復聲來耳畔爲復耳往聲邊兩岸俱玄一不全

舉南泉示衆云昨夜文殊普賢起佛見灑見每人與二十棒貶向二鐵圍山了也趙州出衆云和尚棒教誰喫泉云王老师有什麼過州禮拜泉下座歸方丈二鐵圍山佛見灑見南泉趙州慣得其便窮則變變則通風從虎兮雲從龍

舉雪峯問僧近離甚處僧云覆船峯云生處海未度

爲什麼覆却船僧無語覆船代云渠無生歟雪竇代云久嚮雪峯

生歟海無邊不知誰解度覆船一句子截斷兩條路雪竇老徒嘵嘵我王庫內無如是刀

舉僧問雲門如何是一代時教門云對一說

訝郎當對一說膠柱調絃掉棒打月出頭天外是何人鼻孔依前搭上唇

舉僧問雲門不是目前機亦非目前事時如何門云倒一說

誰當機倒一說七縱八橫千差萬別石田喚起土

牛耕無種靈苗徧界生

舉瀉山問仰山云天寒人寒仰云大家在這裏瀉云何不直說仰云適來也不曲和尚如何瀉云且須隨流

瀉山仰山天寒人寒隨流一句萬種千般盤走珠珠走盤憑君子細好生觀不增不減金剛體無聖無凡赤肉團

舉世尊於一處九旬安居至自恣日文殊條來迦葉問今夏在何處安居文殊云在三處安居迦葉於是白衆欲擯文殊出纔舉捷槌乃見無量佛刹一一佛

所有一一文殊一一迦葉舉槌欲擯之世尊於是告
迦葉云汝今欲擯出那箇文殊

唯一文殊無二文殊百萬億徧滿塵區可惜飲
允尊者當時蹉過了也既然舉起槌來何不便揮
一下見之不取千載難忘總是喪車後藥囊

舉巖頭示寂云涅槃經道吾教意如塗毒鼓擊著遠
近聞者皆喪僧問如何是塗毒鼓頭亞身云韓信臨
朝底

塗毒鼓聞者喪多少死人平地上死中得活是非
常堪與叢林作榜樣韓信臨朝知不知突出當陽

舉話時

舉文殊問菴提遮女生以何爲義女云生以不生
爲生義殊云如何是生以不生生爲生義女云若能
明知地水火風四緣未曾自得有所和合而能隨其
所宜以爲生義殊云死以何爲義女云死以不死
爲死義殊云如何是死以不死死爲死義女云若能
明知地水火風四緣未曾自得有所離散而能隨其
所宜以爲死義

生以不生生爲生冬瓜掛在胡蘆棚死以不死
爲死雙螭眼中放夜市和合離散各隨所宜畢竟

他是阿誰

舉歸宗示眾云吾今欲說禪諸子總近前大眾進前宗云汝聽觀音行善應諸方所僧問如何是觀音行宗彈指云諸人聞麼僧云聞宗云一隊漢向這裏覓箇什麼以拄杖打趲呵呵大笑歸方丈

歸宗一彈指刹刹塵塵從定起眼裏著得百千萬億須彌山耳裏著得不可思議大海水觀音行何可擬少林謾說分皮髓

佛日普獎慧辯楚石禪師語錄卷第十二

音切

胤羊晉切 舩胡田切 閻苦本切 撞徒江切 挾胡頰切 複方復切 鋒

孚逢切 鉞無方切 勦子小切 斲竹足切 咄丁骨切 噓虛切 覲達切 寂

牯姑戶切 蔓亾怨切 崢嶸上士爭切 悄七小切 瀏力周切 醞

呼啼切 輓職緣切 擊居的切 逞丑井切 驥思良切 脩蕭切 條叨切 錘

直危切 鋤仕菹切 馭魚據切 扭紐魚切 塵之度切 漪於宜切 蛙

懊於報切 妍媯上吾堅切 陂彼皮切 鯨巨京切 鯢五兮切 蛙

烏瓜切 佇除呂切 飴符萬切 慘息感切 條式竹切

嘉興諸澄甫 王大周 王大用 洪邦基 王守玄共施贊刻此

楚石禪師語錄第十二卷 昆明沙彌真玄對

真州王國英書 長州馬慶雲刻 萬曆庚寅秋五臺山妙德菴識

撰述

卷之十一

十一

佛日普照慧辯梵石禪師語錄卷第十三

佛祖偈贊上

侍者文晟正隆等編

梅檀瑞像贊

至治二年歲在癸亥六月被詔至京師入

月詣白塔寺觀優填王所刻梅檀瑞像百拜

稽首而為之贊

不取一法如微塵不捨一法如秋毫我常如是見於
佛而亦無見不見者善哉優填亦如是不取不捨於
釋迦目連神足亦復然三十二匠無不爾所以成此

支那

卷之十一

十一

梅檀像八十種好皆具足惟於世間無取捨乃能取捨於世間衆生心欲種種殊佛之所化亦差別衆生不孝化以孝是故爲母昇忉利衆生不慈化以慈是故復從忉利下世間尊邪而背正是故太霸而就王欲令閉惡開大道示現如斯來去相咨爾十方瞻禮衆作是觀者名正觀我今稽首釋迦文刹刹塵塵爲坐證

王振鵬手畫梅檀瑞像贊

佛在天宮度母親優填刻像竄稱真永傳瑞相三千界精選良工四八人只有梵音雕不得若非宿福覩

何因區區色見聲求者蹉過如來妙相身

阿育王所造佛真身舍利塔贊

無憂王鑄小浮圖八萬四千同一鑪每塔中藏真舍利衆生共禮佛形軀梵天影現紫金刹絕頂允標明月珠我等有緣能供養盡塵沙界證毗盧

多寶佛塔贊

無量劫來多寶尊全身在塔至今存五千欄楯繞龕室萬億金鈴坐寶幡此日聽經從地湧滿空奏樂雨花繁須知兩佛跏趺坐度盡衆生始掩門

釋迦文佛贊

三世如來共一心一心不隔去來今然燈授記緣無
得般若譚空嘆甚深窮子攝歸安養土道場唱出涅槃
聲音雲門最是知恩者解向禪流痛處針

無量壽佛贊

濁惡眾生信可悲不投慈父更投誰一家教攝三乘
衆九品蓮開七寶池得佛來從無量劫臨終念在刹
那時願門六八容人入入者皆成出世師

彌勒尊佛贊

彌勒何時不降生人問天上但稱名伽藍始向晨朝
入正覺俄聞暮景成三會度人雖有限一心作佛本

無程從初念念修慈忍大地山河似掌平

第一祖摩訶迦葉贊

昔者如來滅度時丁寧衣法好傳持頭陀行滿無雙
士優鉢花開第二枝雞足山中待彌勒龍華會上付
伽梨古今一念超三際佛祖相傳信在斯

第二祖阿難尊者贊

輪王伯仲法王資第一多聞只我師畢鉢巖前諸漏
盡修多藏裏幾生持來從曠劫無傳授唱出三乘任
設施堪咲誦茗忘帚者也言芥子納須彌

第三祖商那和脩贊

九枝秀草自然衣未出胎來早已披昔日世尊曾記
我百年羅漢更由誰火龍始信慈悲大神力還因懈
慢施畢竟無心又無法何妨弟子去求師

第四祖優波鞠多贊

性十七耶年十七時人到此盡沉吟眼前固是難開
口髮自由來不屬心丈室盈籌多士至三歲脫頂眾
魔欽吾徒往往如公劍但向船舷刻處尋

第五祖提多迦贊

不爲身心自出家紹隆佛種竟誰耶分明指示聲前
路切忌添栽眼裡花夢見日輪高出屋行隨仙眾盡

除邪最初一念須真正只恐中間報分差

第六祖彌遮迦贊

無心無法又無師悟了還同未悟時不見此門成解
脫都忘前劫遇阿私在今幸得空諸漏臨滅何妨露
一奇截斷死生身便是八千仙侶莫狐疑

第七祖婆須蜜贊

金色祥雲雉堞間道逢六祖便承顏手持酒器長吟
嘯身在城隍任往還卻話檀因無量劫須知佛果不
相關臨終示現慈三昧化火焚軀只等閑

第八祖佛陀難提贊

迦摩提國小瞿曇肉髻如珠出翠嵐義論休誇風凜
凜心明不在口喃喃無言喫棒知多少有語投機落
二三後代兒孫徒費力森羅萬象却能譚

第九祖伏馱密多贊

毗舍羅家起白炎便知此有聖人藏年過五秩瘖無
語意恐雙親愛未忘諸佛尚言非我道後昆何處見
空王隨機化物來中印所至青山是道場

第十祖脇尊者贊

六十年中處母胎待他白象送珠來中天竺有難生
號優鉢花從此地開不夜祥光流日月無眠寶席委

塵埃重茵更着高高枕後世禪流可嘆哉

第十一祖富那夜奢贊

地性無常可變金衆生但向外頭尋去來不定心非
佛問答縱橫佛是心語妙須教真性顯情消豈受妄
緣侵前賢後聖清規在華葉重重覆祖林

第十二祖馬鳴大士贊

不識方爲識佛身前身了了是蠶身大心自足收龍
藏溪願何妨度馬人毗舍離王名不朽波羅奈國化
方新有無作者功殊勝到處隨機轉法輪

第十三祖迦毗摩羅贊

初現神通亦異哉轉魔成佛始心開三千眷屬歸依
後五百神僧羯磨來巨海包舍真性海仙才變化豈
庸才衆生不必論凡聖只一毫端攝九垓

第十四祖龍樹尊者贊

溪山孤寂斷人蹤大樹潛藏五百龍常願求師殊未
遇有緣聞法幸相逢人間但愛生天福座上俄瞻滿
月容到此不明無相理迷雲猶鎖一重重

第十五祖迦那提婆贊

佛性猶如滿月輪堂堂無相實爲真從師聽法開心
地徹水投針顯智人福業翻成調御業邪因轉作涅

槃因巴連弗邑長幡下蓋色騎聲一句親

第十六祖羅睺羅多贊

無情說法有來由木菌前身是比丘父子同餐今未
已因緣報復後當休釋尊已記千年事教主宜爲衆
聖儔指點梵宮金鉢鉢師資贏得飽齣齣

第十七祖僧伽難提贊

過去娑羅樹王佛還生塵世度羣迷俄因半夜天炎
獎直至高巖石窟栖金在井中元不動飯來天上爲
誰攜我無我故成於汝此事分明覲面提

第十八祖伽耶舍多贊

紫雲如蓋出峯頭童子方持寶鑑遊正是善機年百
歲兼將道德繼前修風鈴但爲心鳴起花果還因地
種求內外無瑕何所表莫教錯認水中漚

第十九祖鳩摩羅多贊

纔聞扣戶忽生疑此舍無人答者誰萬里雲端吐明
月千尋水底見摩尼馳求佛祖緣何事放捨身心正
此時一念不生三際斷元來鼻孔大頭垂

第二十祖闍夜多贊

此心清淨無生滅寂寂靈靈現在前入得此門皆是
佛向來諸祖本無傳重牙石虎山中吼闍角泥牛水
底眠若更厭人談罪福不惟堪咲亦堪憐

第二十一祖婆修槃頭贊

此日頭陀徧行名前身長樂國中生杖檜畫佛親曾
懺祖繼空宗道已成炎度入門回禮竟芻尼同產寶
珠明了知宿業由心現篇聚須當識重輕

第二十二祖摩拏羅贊

捨父從師恰壯年亭亭一朵火中蓮王宮但作浮雲
想祖位親承列聖傳宴坐何嘗嫌聚落遊行只是化
人天因思後世多庸妄誰況如來大法船

第二十三祖鶴勒那贊

第四劫中爲比丘龍宮赴會引緇流今來衆鶴飛相
伴總爲當時德不脩七佛金幢曾有禱二人緋素本
同儔閣維復向空中現舍利還將一塔收

第二十四祖師子尊者贊

道人何必用心求畢竟無心是道流弟慧方嗟龍子
天魔強未免鶴師憂白虹直貫緣吾黨黑氣橫分信
有由且把伽梨傳嫡嗣蘊空不復較恩讐

第二十五祖婆舍斯多贊

婆舍斯多是兩生彼身纔壞此身成方當左手開拳
日始得神珠奕座明五十九番邪論伏一千餘載祖

風清先師表信衣難燬足使天魔外道驚

第二十六祖不如蜜多贊

昔年爲法受拘籠今日還歸太子宮本願出家爲佛
事須來嗣祖振玄風年深愈薦沙彌敬地動皆知羯
磨功將度衆生有何法且教梵志伏神通

第二十七祖般若多羅贊

無父無名世混融若非智眼莫能窮當知佛國大勢
至卽是王都纓絡童印度不居玄化外真丹皆在妙
心中他年二子弘吾道一箇西行一箇東

第二十八祖菩提達磨贊

一言盡破六宗迷在國還除異見非漢土初來空聖
諦梁王不免挫天威度僧造寺難論德斷臂安心未
入微畱得少林花木在翩翩隻履自西歸

第二十九祖慧可大師贊

博覽羣書有正知少林大士是吾師願教句下聞心
要來向庭前立雪時徧界皆空無一物衆生不了謾
多知屠門酒肆元平等肯捨冤親別起慈

第三十祖僧璨大師贊

當念推尋罪性空不居內外不居中吾人欲懺如何
懺底處藏風更有風十載往來無定所多方檀信此

心同平生最愛羅浮好末後依前葬皖公

第三十一祖道信大師贊

無人縛汝謾嗟吁何更來求解脫乎到此身心俱放
捨從前苦樂免囚拘破頭山上雲如蓋武德年中事
已符天子詔來堪一笑浮生萬事總區區

第三十二祖弘忍大師贊

拾得黃梅路上兒能言佛性早非癡前生過去身何
限此日還歸母未知但缺如來七種相傍分信祖一
橫枝中宵有客傳衣去不復陞堂衆始疑

第三十三祖慧能大師贊

本是新州負擔郎偶聞市客誦金剛便投五祖叅禪
去却笑三更寫偈忙議論風幡從此定流傳衣鉢至
人藏謾人自謂來無口不道壇經話更長

文殊大士贊

閻浮東北最清涼此有文殊妙吉祥紫府山川行道
處黃金宮殿攝身炎十千菩薩爲徒衆五百那伽護
道場雖是當來普見佛看他伎倆亦尋常

普賢大士贊

如來長子普賢尊行願宏淡口莫論一色爛銀鋪世
界六牙香象振乾坤無邊刹海微塵數不可思議大

法門始末何曾離當念凡夫只是弄精魂

觀音大士贊

海上名山多聖賢慈悲願力最居先面如寶月當三
五化等油雲覆大千纓絡聚中常說妙梅檀林裏每
譚玄何時此界無生佛直待處空落地年

正坐

過去如來正法明須知佛道已圓成再爲菩薩酬深
願常向娑婆度有情巡禮寶陀巖上去引歸極樂國
中生六根互用君知否滿耳青黃滿眼聲

補陀示現

東大洋西西海南海雲淡處善財叅山頭有月光流
永水面無風影在潭自遠尋聲先救苦因聞入理併

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

除貪閻浮界上根无勝日夜香燈共一龕 水月善財

前觀音卽後觀音不離衆生信解心三十二身隨所

應百千萬劫在如今根塵盡向聲塵脫業海咸歸願

海深早晚蓮舟蒙救度盲龜值木芥投鍼 蓮舟

本自端居不動身隨機說法化天人波間頓現孤輪

月雪裏潛行萬國春迷去有情償業果悟來無耳著

聲塵堂堂密密圓通境大地山河爲指陳 天人水月

文殊子細棟圓通一一根門一一功諸聖盡推聞理

妙六塵皆到用時空隔垣響徹無遐邇入道言詮有

始終收得光明如意寶利人利已樂何窮 珠瓶寶座

聖師莫把古今論真教難將體用分無相未嘗離有

相我聞終不異他聞全憑一念慈悲力亦藉多生定

慧熏末法比丘皆可證如來實語不欺君 有僧作禮

遙瞻補怛洛伽山小白花開正可攀拍岸潮聲時浩

浩穿林鳥語日關關普門一品長宣誦薄福衆生當

等閒只箇聞思修不昧經行坐臥見慈顏 海岸花叢

東林僧景潜一夕夢觀音大士謂曰我以三

珠施女起起檀越來矣明日某氏至願莊嚴
寶像因發像腹得方寸之鏡一銀泥細書經
一瑠璃瓶一瓶之大如指三舍利於中躍躍

有光出試以鐵錐錐陷而舍利無損余適見
之百拜稽首而爲贊曰

世間之聲皆以耳聽而此大士獨以眼觀眼既觀聲
耳亦聽色色不自色聲不自聲一心不生六用俱寂
以俱寂故能興大悲以大悲故度諸衆生或爲畫師
自畫其像或爲雕者自雕其形或現鷹巢或現蛤殼
及種種相而此大悲無興大悲受大悲者我作是說
如眼於色如耳於聲雖不可取要不可滅皆如幻故
皆如夢故稽首如幻如夢之像稽首如幻如夢之經
稽首如幻如夢之珠稽首如幻如夢之鏡願令如幻

如夢之衆皆悟如幻如夢之心皆成如幻如夢之佛
稽首此方真教體廣大無礙徧沙界隨諸衆生顛倒
想一切所求無不獲雖應其身三十二所說法句惟
一音此音不從舌根生亦復不從耳根入如是六處
本寂滅故稱名者得解脫我亦證此解脫門與觀世
音等無異異無異者亦寂滅亦無寂滅寂滅者故我
同是觀世音一切衆生亦同證

凡心淨如水聖化圓如月一影落千波高低共澄徹
本來非垢淨豈復論圓缺同一不思議如何妄分別
我觀觀音氏體用俱超絕於此蚌蛤中攝受微塵刹

彈指阿僧祇大千一毛髮衣冠儼可數纓絡知誰設
欲將心喻珠乃以身爲舌大啓圓通門令除煩惱結
隨機三十二一一熾然說說者言語斷聽者心行滅
大士長現前清涼洗炎契

蚌蛤像

湛然不動體若虛空高下隨入根塵互融在耳何觀
幽谷傳聲而答響在眼何聽春華發色而耀叢大地
山河咸宣妙智金石絲竹盡演圓通頂奉如來之像
脣橫帝釋之弓爍迦羅首清淨寶目母陀羅臂皆具
八萬四千無求而不得者衆生行住坐臥長在其中
只者蒲萄新卷葉都因幻妄顯全功

我觀三界塵勞羣生擾攘自性不明貪欲所障溺於
苦海隨於識浪從劫至劫捨妄取妄故聞思大士以
慈悲方便爲蓮葉之舟出而置之於彼岸之上頓明
自性不向外尋觀音卽汝汝卽觀音

稱名者同六十二億恒沙菩薩之福逗機則異三十
二應國土說法之身法身無爲不墮諸數無方不現
無感不赴我觀此像如月在天其輪雖一而炎徧百
川者焉

空覺覺空覺空空覺重重幻滅念念道圓統八萬四
千波羅蜜門爲一普門無門可闢卽不可思議妙觀

察智爲一聖智無智可詮烈燄堆中撈得月須彌頂
上浪翻天

一稱名拔無量苦一觀相與無量樂不動神情而頓
現十方普運悲智而長居五濁聞無所聞覺無所覺
長天月皎兮片石雲收大野風生兮四溟潮落

宴坐磐石心無所緣冥應萬機道何可議能使苦者
樂晦者明天者壽歿者生聽十方之色像觀徧界之
音聲巍巍乎蕩蕩乎蓋不可得而名也

念念興慈運悲人人離苦得樂一瞻一禮同證常住
法身若聖若凡感令成等正覺久從無量劫中來月
在滄波撈不着

眼裏耳裏鼻裏小千中大千隨一有情受苦便蒙

大士哀憐水在地月在天真體堂堂在目前

天上月水中月同古今共圓缺只這圓通門何曾費
言說大海茫茫一葉蓮虛空有盡香無絕

聖師無所說童子無所聞青山自青山白雲自白雲
棟盡圓通二十五文殊之辯謾紛紛

一卷普門品縱橫在筆頭通身無影像滿紙黑蚍蜉
虛空撲落須彌碎度盡衆生願未休

大士衆生父衆生大士兒父憐兒最苦寧不起慈悲

芳草座綠楊枝正是全超八難時

隨類應身卽身爲舌其圓通門熾然常說能以眼聽
音無間歇巍巍堂堂常住不滅

籃不見魚通身是眼眼若有見如魚墮籃見不見離

聞非聞滅善哉大士常現娑婆

覺天空濶心月孤圓宴坐不動允明無邊狹則一毫

寬則大千捲却燈子眞身現前

現天女相攝衆生心如青蓮花出大火聚清涼契惱

是二俱空稽首慈悲不離當處

從聞而入卽思以修衆生解脫非向外求大地一塵

大海一漚正體不動分身徧周

圓通面目描寫難成直下便是多少分明風動綠楊

千萬葉曉來黃鳥兩三聲

妙智之力眼聲耳色逼塞虛空了無痕迹遮身向上

數重雲應念現前元不隔

慈悲誓願如山重業識塵勞似海淡十字街頭賣魚

去護生心是殺生心

金剛石畔善財叅未免慈悲爲指南但道現前無可

說一輪明月在寒潭

圓通不許離塵寰道在尋常日用間數抹淡煙籠碧

樹一條飛瀑下青山

水中月影如何取脚下蓮舟不用撐提起數珠一百
八何曾佛外覓眾生

聞思修悲智願此身本空無刹不現碧落光明白月
輪玉毫突出黃金面

娑婆人有大因緣但一稱名現在前只這如今誰動
口却須問取白衣仙

分明覺觀離根塵普度羣迷出苦輪須信熾然聲色
裏如如不動現全身

出海鯨魚擺浪開銜花鸚鵡自空來淨瓶口裏喃喃

地盡說圓通向善財

見色心先現聞聲道已彰慈容一輪月瞻禮獲清涼

石露珊瑚樹山舍瑪瑙雲虛空無說說大地不聞聞

雨過碧天空雲橫紫霧重忽然瞻妙相滿海是芙蓉

浪打蒼崖石風吹紫竹林飛來兩鸚鵡相對說惟心

遇苦救苦隨流入流無邊利海一葉蓮舟

酈市賣魚腥風滿途眾生易度邪法難扶

如意寶輪王菩薩贊

稽首大士如意輪王本無一法彌滿十方是故誦真
言者聲未發而身心安樂瞻聖像者目未舉而動靜

吉祥成就萬德滅除千殃我今以四大海水爲乳以
五須彌山爲香以山川草木爲供養之具以日月星
辰爲燈燭之光世界不可說虛空莫能量與一切衆
生同修如法供養極未來際劫巖淨菩薩道場者也
地藏王菩薩贊
從久遠劫現慈悲身處地獄如遊園觀使衆生永脫
苦輪一顆寶珠提掇處照開黑暗六環金錫動搖時
增長威神持其名者免生灰罪觀其像者了涅槃因
不可思議大願力無邊刹海未來人

文殊問維摩疾圖贊

不二法門離分別三十二人揆水月文殊童子本無
言却是維摩大饒舌此圖之作非偶然意在語默思
惟先天花落地拂在手萬象聽他師子吼

文殊大士贊

山玉有燦盤珠無滯毗贊空王激揚勝義卽衆生根
本無明是諸佛簡擇妙智或持千鉢或現五髻或教
導十六王子爲妙光法師或提獎六千比丘於覺城
東際象王回旋師子遊戲一切處金色世界一切處
文殊室利直說與人人不會虛空更展黃金臂

維摩居士贊

三萬二千狴座不離方丈室中只因當時一默喚作
多口老翁

彌勒菩薩贊

五十六億萬歲方始下生人間知足天中不住身心
到處安閒

辟支佛牙贊

日本成藏主人吳逢一童子施辟支佛牙得
而寶之請贊贊曰

有一衆生出無佛世曾從往劫受獨覺記花開葉落
心融神會觀此因緣豁然超詣於三界中如鳥出籠
雖不說法但現神通手捫日月身臥虛空十有八變
開豁羣蒙至涅槃時吐三昧火自化形骸惟留骨鎖
妙設利羅雨若干顆累累如珠頭頭而墮維道人成
得其大牙堅若金剛淨如蓮花砧杵不碎玉雪無瑕
再拜稽首寧小幸耶我作贊辭仰其高躅冥熏法界
淨洗心目神物訶護無忘付囑人能敬信莫不生福
佛日普照慧辯楚石禪師語錄卷第十三

音切

填徒堅切

雕丁么切

楯食允切

堞徒葉切

秩除室切

瘖於深切

脇

虛業

垓古苔切

菌奇隕切

羸余成切

勦火候切

摺音支

沆二音

沆音

我食取資身不願餘聽灑青龍安鉢內銜花白鹿走
階除長宵皓月光如洗坐聽沙彌讀梵書

第三位東勝身洲迦諾迦跋釐隴闍尊者

聖者常居東勝身坐來但見海揚塵渡河且自分三
獸標瑞終能效一麟天上時長何倏忽世間劫短太
逡巡性空念念離貪欲珍重全拋火宅人

第四位北俱盧洲蘇頻陀尊者

大千沙界北俱盧此地常言佛灑無劫樹衣裳心不
貴長粳米飯飽何須但令受化人心伏豈患迷方刹
土拘此道周流四天下眾生業果易凋枯

第五位南瞻部洲諾詎羅阿氏多尊者

在世分明出世間或遊鄆市或居山自來鴈蕩栖心
久長向龍宮說灑還巨石迸開雲片片高崖飛下瀑
潺潺經行坐臥無非定誰道清宵白晝閒

第六位耽沒羅洲跋陀羅尊者

耽沒羅洲八百里漫空海浪隔雲巒衆生有念頭頭
錯大士無心處處安近澗水縈紅瑪瑙疎林雪洒碧
琅玕諸天所散花成積早晚風來掃石壇

第七位僧伽茶洲迦理迦尊者

如來付囑固難忘利物何曾密處藏久住世間終不

厭暫遊天上亦無妨麤衣綴鉢資生具曠野淡山聖
道場自在還同師子子從他節序變炎涼

第八位鉢囉羅洲伐闍羅吠多羅尊者

仙洲住在鉢囉羅有識俱令出愛河美甚雪山生樂
味奇哉火聚粲芬陀龍宮湧階前地鷲嶺雲連戶
外坡況乃禪居人不到銜花時見鹿麋過

第九位香醉山中成傳迦尊者

香醉山中水石奇折旋俯仰四威儀身心脫去閑糖
糝語默由來妙總持秀草自然香旂旋遙山無限碧
叅差天人向午供甘露正是城隍乞食時

第十位三十三天中半托迦尊者

三十三天帝釋宮圓顱方服住其中黃金鉢有酥陀
飯白日心如般若空永脫苦輪須利物行登寶所不
施功前時預受菩提記尚待莊嚴勢力克

第十一位畢利颺訶瞿羅洲羅怙羅尊者

畢利颺瞿海上洲神通不礙往來遊真心本自離生
滅大道何曾假證修西竺幻人擎麈尾上方仙子藝
牛頭六時唱禮黃金像無相須從有相求

第十二位半度波山中迦那犀那尊者

半度波山挿太空白雲掩映碧玲瓏名標五伯聲聞

撰撰述

卷之四

二

上道被三千世界中定起影斜金殿月齋餘香裊玉
爐風有時走入軍持浴須信沙彌亦具通

第十三位廣脇山中因竭陁尊者

廣脇名山處處聞其中別是一乾坤雨龍聽講天花
濕野鹿依禪砌草溫萬化皆從無相出十處但有假
名存了然此理超生歿何用他求解脫門

第十四位可住山中伐那波斯尊者

萬古山坐可住名隨時坐臥與經行身雖屬幻須脩
幻果證無生在度生犀柄頻搖花片落寶書試展月
輪明自從五結消亡後煩惱菩提悉等平

第十五位鷲峯山中阿氏多尊者

如來已滅鷲峯虛千五百人龍象居定慧圓明猶日
月身心清淨似芙蓉奇禽異獸來圍繞瑞靄祥雲復
卷舒此地時時鐘梵作儼然佛轉濃輪初

第十六位持軸山中注荼半托迦尊者

持軸山中大士家明珠絕纈玉無瑕晝披般若千行
偈天雨曼陀四色花榎椎遠傳僧布薩香煙濃洙佛
袈裟白牛自可兼羊鹿先引兒童駕小車

第九祖伏馱蜜多贊

從曠大劫來未嘗譚一字誰道五千年方纔啓唇齒

有說與無說且莫謗祖師折筋攪大海燈心柱須彌
口不搖舌足不逾戶五十年宴坐一牀三千界禪門
九祖諸佛非道父母非親若心若行何偽何真山頭
翻白浪井底起紅塵

布袋贊

花衢柳巷任經過虎穴魔宮不奈何背上忽然措隻
眼幾乎驚殺蔣摩訶

烏藤只麼往來挑布袋雖輕未肯拋無盡重重華藏
海都將一箇肚皮包

十字街頭等箇人不知滿面是埃塵重重破紙包乾

糞一度拈來一度新

靠着布袋打瞌睡百千萬年只一忽娑婆界上無此
僧龍華會中無此佛

寒拾贊

閭丘未到國清前誰識文殊與普賢三寸舌頭輕漏
泄有何伎倆掣風顛

大圓覺海是伽藍到了何曾有聖凡兩箇頭陀高拍
手從教人道太褻褻

國清寺裡豈無人只話寒山拾得貧若帚糞箕常在
手可憐淨地却生塵

遙望東南紫氣堆崩雲洩雨轉崔嵬聖賢面目分明
在莫道斯人去不回

智者大師贊

眉分八彩目矐重瞳灑本無得辯何有寤太虛絕兆
赫日方中銀地佛窟玉泉神工總持稟戒灌頂承風
禪河杳象教海大龍瞻之仰之極天高而地厚名也
實也非鼠啣而鳥空夫是之謂祖龍樹宗北齊師南
岳靈慧禪師之幻容

清涼國師贊

無明本空灑界如幻誰爲普賢圓滿行願十地鳥跡
二覺波文凡聖平等迷悟同羣稽首清涼洞明智理
疏毗盧藏稱眞佛子千龍發浪四海流慈十大願王
七帝門師遺像現前麈尾在手常住世間太虛不朽

達磨大師贊

初辯寶珠半文不直次破六宗全無旨的離南印來
入震曰國再對梁王還云不識一住少林九年面壁
堪笑神允分明是賊及乎安心覓心不得看他什麼
奇特未免許多狼藉葱嶺那邊逢宋雲破履至今遺
一隻

長江一葦大地一華廓然無聖到處逢他且道他是

阿誰香至親子神允老爺

誰云打落當門齒推殺深深掘窖埋自是梁王不啣
嚼放他走入魏朝來

當時我若作神允三拜無疑是詐降側立看他開口
縫進前推倒葛藤椿

少林冷坐幾經春鼻孔依然搭上唇只爲鄉談改不
得被人喚作婆羅門

西天二十八頭驢踏碎支那獨有渠後代兒孫多執
拗箇強一箇莆盧都

三年泛海神通力一蒂浮江鬼怪多將謂末梢遮得

盡依前不奈宋雲何

因陀羅所畫十六祖聞上人請贊

初祖

易掩當門齒難藏蓋膽毛神允三拜後熊耳一峯高

六祖

惹起風幡話流傳卒未休有人來問我六耳不同謀

牛頭

盤陀石上坐幾度見春來百鳥無消息山花落又開

鳥窠

太守名居易禪師號鳥窠相逢休話險一片好山河

南岳

試問曹溪印令人下口難只因無染汚突出萬重關

馬祖

磨甗不成鏡坐禪不成佛泥牛鬪折角虛空揣出骨

百丈

從他鼻頭痛不是祖師機日日江湖上紛紛野鴨飛

趙州

南泉王老師有此寧馨兒勘破臺山話回來人不知

雪峯

對眾輓木毬當陽拈鼈鼻明明出曾襟一一蓋天地

玄沙

拋却釣魚船走上飛鳶嶺觸著脚指頭當下便心肯

雲門

打佛乞狗喫知恩方報恩後來真淨老又要罨雲門

慈明

骨董箱兒裏拈來幾百般白金歸壽母覷著骨毛寒

楊岐

踢出一頭驢只有三隻脚寸步不曾移踏徧長安陌

白雲

雲門上大人白雲丘一已從此化三千清風來未已

圓悟

奇哉認得聲有意却無情一片碧巖集間將肝膽傾
大慧

華肇首山禪深爲衲子宛竹篔生鉄鑄石火迸青天

因陀羅所畫諸聖聞上人請贊

空生

寂寂巖間坐喃喃口更多只言無灑說爭奈雨花何
豐干

寺裏隨僧住山前跨虎過閭丘太守到道你是彌陀

寒山

不居妙喜界不戀清涼山箇箇求成佛輸他道者閒

拾得

當初因拾得便以此爲名欲識這箇意無生無不生
寶公

刀尺杖頭懸時時走市鄆蕭家菩薩子只解說因緣

布袋

浪走草鞋穿長挨布袋眠天宮衣鉢在歸去是何年

懶瓚

爐中煨香火香不到青霄世主緣何事頻令敕使招

船子

曉出天連水昏歸月滿舟錦鱗如不遇坐釣幾時休

趙州和尚贊

參見南泉早會得平常道行脚債已酬住山年益老
隨機說灑不用思量信口答禪何勞尋討古佛重來
羣魔盡掃庭前栢樹子敲風打雨滿目森森狗子佛
性無照雪吹毛殺人草草至今道播乾坤非獨話行
燕趙

雲門大師贊

候睦州三日開門空梭折脚被雪峯一問杜口便低
却頭靈樹會中人天眼目大唐國裏衲子冤讐用護

輾鑽穿虛空作窟籠因乾屎橛向平地起戈矛得路
塞路看樓打樓若是真淨老師見你必然罨殺且問
丹青妙手畫他著甚來由

臨濟大師贊

龍驤虎驟馬領驢肥黃檗室中三度親遭打出大愚
肋下三拳便被托開老婆心當時太切風顛漢特地
回來未續佛祖慧命先結宗門禍胎痛棒白日雨契
喝青天雷正灑眼藏旣滅盡大千沙界無纖埃

楊岐祖師贊

從來不會說禪隨例紙裏麻纏坐斷楊岐雲蓋賣弄

栗棘金圈一轉公案欺謾大衆三脚驢子蹠跳上天
荷慈明重擔喜白雲卸肩神仙無秘訣父子不相傳

五祖和尚贊

鄧師翁多濃喜愛念聰明呪慣唱囉囉哩咬破鐵酸
賺却是雞冠花一首詩拈起好怕人誰信白額蟲九
條尾攤世界作棋盤把虛空書祖意紅粉佳人風流
公子見神見鬼說道說理真非真是不是天上人間
知幾幾

圓悟祖師贊

雞鳴飛上闌干驀地打失布袋開口動舌披露此聲

截鐵斬釘發揮下截篆不雕之心印迴絕言詮提本
分之宗乘初無向背納須彌於芥中擲大千於方外
七處妙敷揚九重親奏對若論正眼流通直至盡未
來際咄

大慧祖師贊

湛堂室中踠跳滿口談禪佛果句下掀翻從頭改轍
悟既無悟說卽不說精金爐鞴火迸星流黑漆竹篔
雷訇電掣師子踞地哮吼野干從腦迸裂十八年衝
梅游戲趙壁本無瑕數千里川陸歸來生薑不改辣
再上凌霄峯重行臨濟喝小釋迦云一人指南吳越

令行也是證龜成鱉

日本淵默菴畫二十二祖請贊

初祖

三周寒暑汎重溟撞著蕭家有髮僧對朕者誰云不識爲誰辛苦到金陵

二祖

幸是巍巍好丈夫却來少室受塗糊雖然拜了知慚愧索得娘生一臂無

三祖

握節當習懺罪人罪從何起要知因遠來更不論僧

俗一句無私達本真

四祖

脇不沾牀三十秋初無心灑副人求黃梅道上逢童子昔日冤家又聚頭

五祖

母子師資也是閒分明此道播人間後來話柄憑誰舉多種青松滿四山

六祖

多少黃梅會裡僧一時放過嶺南能至今大庾山頭石歲歲春風長葛藤

南岳

何物堂堂與麼來人皆不識起疑猜電光石火分緇
素無限勞生眼豁開

馬祖

卽心卽佛口喃喃非佛非心轉不堪八十四人門戶
別何曾一箇是同叅

百丈

楚鴨高飛落遠汀嫌人扭得鼻頭疼思量箇樣無滋
味笑不成兮哭不成

黃檗

大機大用顯家風坐斷乾坤獨此翁後代兒孫皆有
耳如何十箇五雙聾

臨濟

無位真人在面門阿師太似弄精魂臨行滅却正瀆
眼何止三千海岳昏

興化

紫羅帳裏撒真珠今日分明驗過渠說得自知行不
得更言還識老僧無

南院

啐啄同時立話端當人總是自欺謾棒頭突出摩醯

眼付與諸方子細看

風穴

祖師心印鐵牛機早是重安眼上眉對陣不能擒縱
得令人千古笑盧陂

首山

有口何妨誦濃華無端繼祖事如麻楚王城畔東流
水曾與時人掛齒牙

汾陽

十智同真一句收魚龍鎖戶向汾州夜來逾覺風霜
緊佛祖聞名也縮頭

慈明

一劍橫安水一盆草鞋委地杖臨門西河師子生獍
甚來者須教喪膽魂

楊岐

不因堂上鼓聲嚴爭得慈明出晚叅住後栽田博鉢
斝方思說夢老瞿曇

白雲

要識茶陵落髮師須還除夕夜胡兒一莖草上春風
轉玉殿瓊樓幾箇知

五祖

撰述
卷之四
十四
鐵酸瓊子向人誇拈出雞冠一朶花常爲先師言語
拙盡拋弓冶立生涯

圓悟

金鴨香銷錦繡幃風流全在一聲雞如今處處逢昭
覺野鳥山花不更迷

妙喜

背觸俱非驗學人竹篔三尺沒踈親年來此話憑誰
舉日灸風吹又過春

徑山寂照先師元叟和尚贊

這慈尊真滅門是非盡剗佛祖平吞藏雲克家之子
妙喜四世之孫用首山竹篔全提正令瞎摩醯頂目
巨闢重昏二十年天下徑山綿裏泥團錦包特石千
七百堂中衲子棒如雨點喝似雷奔掀翻海岳震動
乾坤把斷牢關一句子金香爐下鐵崑崙

道場晉翁和尚贊

胡達磨不是祖老枯禪何必數若非滅族子孫誰紹
潑天門戶石從空裏立徧界絕遮攔火向水中焚大
地無寸土言其體也誰論生滅去來當其用也不離
聲色言語卽性卽相全規全矩直下分明現前薦取
受業先師天寧訥翁和尚贊

大道體寬虛堂響答面目現在人天交接破草鞋走
五十四座軍州麤坐具禮不可思議祖塔南海瘴重
重北山雲疊疊既了行脚大事盡見諸方老衲開荆
棘之地而作寶坊化屠沽之人而修淨業單傳直指
之妙非文字所可形容潜利陰益之心如虛空自然
周巾夏復夏臘復臘要識天香子孫且看少林花葉

自題

臨濟本叅黃檗向大愚肋下築拳雪峯承嗣德山在
鼇山店上成道可使千古流芳未免一回落草觀此
形骸具何眼腦入門那箇得升堂三尺竹篋如電掃

問此陋質從何而生一漚巨海片雲太清本來無體
描邈難成舉筆卽錯覲面相呈燒却燈子我要話行
五十年住院三千里行脚撞著破龜墮勘破一宿覺
白首看雲山是身隨飲啄夜來風雨過壁上胡蘆落
透頂透底徹骨徹髓體不離用用不離體勉強形容
初無倫比打成一片五十年擬議相隔三千里

虛空爲口萬象爲舌一句全提六時常說約住德山
棒拈却臨濟喝別別烈燄爐中撈得月

有口無舌三緘不發露柱燈籠替他演說和南不審
君子可入所願看魚焚香祭懶

日面月面蘇州常州全無本據却有來由刹竿頭上
翻筋斗三十三天築氣毬

正凜眼藏瞎驢滅般若妙心全體空佛祖相傳只遮
是亘塵沙界振宗風

萬寶坊中睡起崇天門外鼓鳴拾得紅爐片雪日午
恰打三更

古鼎和尚遺像祥符林長老請贊

四坐道場一生孤硬具眼宗師超方拈匠三玄三要
擘破完全一抑一揚背馳皈向傳列祖之燈息六宗
之諍身非身相非相天教擎在千峯上

紹興崇報行中和尚壽像上乘明長老請贊

以一毫端智徧量灑界空佩文章正印於肘間魔外
窺覷無路握黑漆竹篋於掌上佛祖甘立下風淮山
以西淝河以東踞三禪刹伏諸鉅公譬如秋月在水
下非升而上非降春風扇木葉自紅而花自紅賢哉
上乘似而有之述而明之庶不愧於奚家之祖翁

西白禪師壽像祇園文長老請贊

道邁古今學兼內外白牙香象蹴踏而截流金毛師
子哮吼而踞地機用可謂逸羣文章乃其遊戲青天
白日放古佛之瑞光闌市紅塵闡南湖之祖意直得

大海波翻須彌粉碎少林不識曹溪不會却淨慈道
逾高笑諸方進為退乃古鼎之的傳妙喜之六世者
也

佛日普照慧辯楚石禪師語錄卷第十四

音切 逆彼諍切 瀑蒲報切 潺仕山切 糝補履切 旖於蟻切 旋於綺切

顛刀胡切 辭至切 怙胡古切 瞋若合切 伎倆上巨奇切

謚力三切 疹所今切 窖古考切 揣初委切 罨於檢切 輾轢上徒切

的切卸先夜切 辣力達切 啐倉憤切 啄丁角切 賺胡斬切 鼃越音

肘張柳切 蹴七六切 踏馳蓋切

嘉錫會疑 夾纒羅 周南 卜口貞 曹巖燕荏苦豆施曹勅此 楚石禪師語錄第十
四卷 昆明沙彌真玄對 真州王國章書 建陽善國刻 萬曆庚寅秋 翠臺山妙德齋

佛日普照慧辯楚石禪師語錄卷第十五

法語

侍者善成等編

示覺普座

不與萬法為侶者是什麼人這裏悟去一生參學事
畢只麼饑餐渴飲閑坐困眠雖涉百萬阿僧祇劫如
彈指頃更論什麼諸佛菩薩畜生驢馬瓶盤釵釧都
來鎔作一金酥酪醍醐盡與攪成一味不遷不變無
始無終喚作常住法身受用惟心淨土以至紅塵鬧
市枯木寒灰逆順縱橫卷舒出沒又何拘礙者哉永

嘉所謂非但我今獨達了恒沙諸佛體皆同

示觀提點

昔日楊岐老人放下金剛圈拋出栗棘蓬吞跳得者
固多吞跳不得者亦不少如今去聖逾遠舉此話者
漸稀要在大力量人能成大力量事廓然自省非在
別求方知自己便是金剛圈更教誰跳自己便是栗
棘蓬更教誰吞管取楊岐老人不勘自敗

示辯長老

既稱長老出世爲人喻如金錐刮眼膜非是小事若
傷鋒犯手未免破睛危乎險哉間不容髮豈可恣矇
袋掉三寸舌說脫空謾人你看他夾山初住京口寺
已有發明到垂手處不無滲漏後往華亭見船子及
船子向他道離釣三寸子何不道道不得劈口一橈
竿頭絲線從君弄不犯清波意自殊始大徹所以道
叅禪須是悟始得悟了須是見人始得若不見人只
成杜撰禪和說拍盲禪到處教壞人家兒女去也第
一本領要端正履踐須明白院子大小正當置之度
外臨濟下風穴首山何嘗聚三百五百衆來至今道
行天下所謂山不在高有仙則名也

此宗示弘首座

撰述

卷之十五

十一

釋迦不出世達磨不西來眾生鼻直眼橫世界晝明
 夜暗蜜甜麩苦鵠白烏玄風不待月而涼火不待日
 而熱一一見成公案頭頭本分生涯喚什麼作此宗
 此宗作何面目石頭南岳啓口不得臨濟德山袖手
 旁觀聚百千萬雷為一喝是甚契椀鳴聲束無邊虛
 空作一棒當甚蓬蒿箭子淨保保絕承當赤洒洒沒
 可把奴呼菩薩婢視聲聞高揖釋迦不拜彌勒直饒
 與麼未稱此宗若解舉一明三日機鉢兩未言先領
 未舉先知如斯品格不凡略有少分相應此宗門下
 難得其人只許俊流不論懵袋選佛若無如是眼假
 饒千載亦奚為首座勉之

示觀藏主

黃面老子深入雪山冷坐六年只餐一麻一麥不以
 為苦忽於臘月八日夜半子時仰觀明星忽然大悟
 歎云奇哉一切眾生具有如來智慧德相但以妄想
 執著而不證得我當教以聖道令離諸著是以有偏
 圓半滿之說充塞塵區然猶未愜本懷乃至靈山會
 上拈花示眾方了未後大事是皆從曠劫積習而來
 誠不容易所以教中云我法海中無有一文無有一
 句非是捨施轉輪王位而求得者非是捨施一切所

有而求得者謂之無上法寶兩手分付與人自宜頂戴奉持不可返生輕慢天寧曾有一問且道雪山山底與靈山傳底是同是別若道同一是教一是禪若道別亦無初亦無末試着一轉語看
偈頌一

侍者文斌等編

送智維那往江西

智不到處道一句生鐵稱鎚被蟲蛀南北東西叅學人莫教踏着無生路無生路上荆棘多將心覓佛還成魔閑伸兩脚睡一覺任他日月如飛梭誰管你天

誰管你地說妙談玄弄粥飯氣馬祖出八十四人問着無有不曾直饒歸宗較些子也是瞎驢趁大隊如今好箇太平時佛法兩字誰論之堂前青草深一丈往往口角生膠黏拈却德山棒不用臨濟喝寒則普天普地寒熱則普天普地熱要行便行歇便歇切忌
送巡守途轍

送默菴淵首座

默默無上菩提何所得得無所得便歸來錯認藩籬爲闔域陞堂入室見其人若語若默皆非真至於此語亦不受但有纖毫卽是塵德山棒臨濟喝從上

門庭巧施設子承父業幾時休太似烏龜喚作鱉不
如付與山河說晝夜熾然無間歇就中一句尤直截
盡大地人須結舌默菴聞得笑呵呵啣花百鳥如余
何

示善禪人

不思善不思惡十二時中空自縛善亦思惡亦思老
僧使得十二時問渠善惡何頭面逆順縱橫千百變
只因不識主人公所以臨機少方便善師善師聽我
言從古至今無聖賢着衣喫飯只者是不然去學諸
方五味禪

送中竺月首座遊江西

珊瑚枝枝撐着月南北東西興難過五千餘里到不
到八十四人徹不徹夜來桂子飄天香此意分明難
覆藏天宮畢竟說何法至今雙澗流湯湯去亦可住
亦可麒麟不帶黃金鎖草鞋索斷雲路深拾取龜毛
穿耳朶

送福州諾禪人再參天童

主人翁惺惺着潦倒瑞巖自呼自諾蛇吞鱉鼻口生
煙虎咬大蟲頭戴角會不會知不知大唐國裏無禪
師玲瓏巖主七十四優鉢羅花第一枝送君此去君

撰述
卷之十五
五
知麼莫把草鞋輕踏破前頭更有崑高峯不獨飛猿
嶺難過

送朗藏主禮梅檀像文殊聖師

如來身相非聲色目連謾自勞神力幾回往返返切利
天剛把梅檀細雕刻當時匠人三十二盡道梵音雕
不得既是梵音雕不得十分相似終何益邇來流落
在人間南北東西隨意看不識如來真實相人間無
處無梅檀如來身誰不有挑囊負笈空奔走未了之
人聽一言只這如今誰動口心亦不是佛佛亦不是
心清涼山裏萬菩薩流水落花何處尋

送圭侍者歸天台

靈隱山中圭侍者骨目風神甚瀟洒入門要我送行
篇句短句長隨意寫一句短樵螟眼裏着不滿一句
長徧處空界莫能量國師三喚露肝膽侍者三應含
冰霜趙州古佛更饒舌暗中書字文彩彰以此送行
須記取若到諸方休錯舉冢在赤城千嶂溪夜來木
葉吟風雨

送贊禪人遊台雁

菩薩子百歲光陰一彈指尚無剪爪閒工夫而況尋
山并翫水雖然山水有何過刹刹塵塵皆可喜擡頭

撞着自家底方知因我得禮你我聞天台之衆峯五百聖者栖其中又聞詎那在鴈宕坐看瀑雲飛晴空青蘿直上寒松樹花落鳥啼猿掛處山前一片古寺基直至如今没人住没人住處不可行從教千古萬古青苔生與其孤峯頂上訶佛祖曷若十字街頭踏塵土

送顯侍者遊四明

學佛被佛魔叅禪被禪礙不學又不叅孤負這皮袋祖師門下客志氣何慷慨撥動濟人舟了當行脚債去去只麼去路在紅塵外來來只麼來眼上雙眉蓋

任你萬重關鐵鞭都擊碎一切但平常莫作平常會

送昇禪人遊金陵

達磨未來東土前白雲片片在青天達磨既來東土後黃鳥雙雙啼翠柳蕭公作帝知幾秋度僧造寺何悠悠金鱗透網不透網可惜三度空垂鈎官路崎嶇行不得後代兒孫轉荆棘尺鷃徒能掠地飛大鵬謾有垂天翼長江南北浙西東一花五葉當秋風深山無人大澤靜但見狐兔栖蒿蓬昔年遺下一隻履不獨無頭亦無尾如今颺在垃圾堆贏得清風來未已昇禪昇禪胡為哉遠自鳳山登鳳臺糲竭節有頂門

眼解笑吾師特地來

送能仁顯首座遊金陵

君不見天禧之塔高復高下視刹海如塵毛人家處
處見塔影塔影家家行一遭一一家中有一塔以手
遮影終難逃人家不遷塔不動去地非遠天非遙東
江首座江東去鐵錫橫飛留不住石頭城中亦不多
一人越州館內亦不空一處去不去今來不來衲僧
行止無纖埃一番雨過寒侵骨江上諸峯翠作堆

用南楚和尚韻送改書記往天童禮寶施

如來禪祖師禪文字禪是何禪一筆勾下白日青天

笑殺湖南長老大書楷字深鐫不見毗耶居士嘵嘵
擊小彈偏及乎被人問着直得杜口無言禪禪靈石
書記作麼流傳竹月生寒籟松風入夜絃旣善騎聲
蓋色何妨說妙談玄潮音洞裡敲金鞞太白峯頭駕
鐵船

送印禪人

印泥印水印空當頭錦縫重重靈利衲僧搆得何拘
南北西東有把柄無背面聽之不聞覷之不見通方
作者知機變一任蒼苔生古殿透青眼不瞬照物手
寧虛百鍊精金出大冶南詢步步超毗盧

送大梅元維那

卽心卽佛非心非佛目機鉢兩講若畫一大梅山中
忽相逢耳朶卓朔頭髮鬆克賓維那法戰勝饋飯之
香熏太空無不無有不有黑黑明明三八九幸是金
毛師子兒叅方志氣衝牛斗

送禪人

諸方舊話無人舉舉者直須眉卓豎木馬雙雙帶月
行泥牛對對臨風舞從闖入浙叅訪誰直下便是休
狐疑喫粥了也洗鉢去趙州古佛曾提撕

送延聖世首座還日本

兩堂首座齊下喝當時臨濟正饒舌傳來此話知幾
年船底依前用邠鐵昔者乘桴遊大唐如今挾複歸
扶業到家拈出賓主句針眼魚吞金翅王

送淨慈妙藏主

龍河老師巧方便再索侍者犀牛扇永明門前水一
湖忽然迸出摩尼珠扇兮珠兮俱颺却瘥病不假驢
馱藥好箇翔空五色麟如何絆得黃金索活滾滾明
落落無限清風滿窠廓

送天寧敬藏主

看底是甚麼經經中說甚麼義遠辭萬里扶業近別

四明雙檜低頭問訊又手殷勤一一明妙一天真
不妨提起坐具且與茶濕口唇走徧大唐無佛法金
香爐下鐵崑崙

送觀藏主還里

對一說倒一說佛祖從來無祕訣更問靈山付囑誰
葛藤未免生芽藥道人放下馳求心當念廓然超古
今直上扶搖九萬里大鵬不比尋常禽

送報本禧都寺

鼓山一隻聖箭子射入九重城裏去却被老孚輕把
住雪峯未免從頭註因思古德老婆心瓦礫拈來要

作金後人但墮聲色轉千里萬里徒參尋自家識取
天真佛碧眼黃頭恣輕忽

送中竺偉藏主

大藏五千餘卷卷皆說自心不是語言文字徒勞
紙上搜尋中天竺有善知識兩眼明如秋水碧閑時
只是看雲山纔見僧來便面壁如來禪祖師意藏主
聰明會不會百萬天人擁從時香花飄滿階前地

送一禪人

江東西湖南北一條古路如絃直出門綠水繞青山
脚下麻鞋生兩翼無位真人沒處尋秋高落葉飄山

林叅方帶眼不帶眼是處法堂青草深老宿見來多
指註與他掀倒禪牀去

送了禪人

甚麼物恁麼來蝦蟇吞却月鐵鋸舞三臺拄杖頭邊
草鞋底一聲雷震清森起相逢不用口匆匆踏着無
非自家底譬如雁過長空影沈寒水機先透徹祖師
關坐見千花生碓觜

送雲禪人回仰山

小釋迦大禪佛四藤條下甘埋沒撐天拄地好男兒
肯學狐狸戀窠窟誰不頂門眼正人皆肘後符靈因
甚溷溷漚漚更待丁丁寧寧直下是直下是早涉流
沙十萬里撞着知音舉似伊何須待問廬陵米

送喜禪人

藕絲窳中世界濶大鵬挨落天邊月山僧半夜驚覺
來此意茫茫向誰說十箇五雙行脚伴叅方不帶叅
方眼德山挾複見瀉山多少葛藤多截斷兩口無一
舌千車同箇轍道士倒騎牛烏龜嚼生鐵移取瓢苗
石上栽泥牛滴盡通身血

送宜禪人

舉一不得舉二抹過京三沐四回天轉地何難點石

化金亦易無索摸絕忌諱張公喫酒李公醉孤峯頂
上任縱橫鬧市門頭恣游戲當陽點破堅實心水面
捺得葫蘆沉拄杖橫擔千萬里青天白日雨淋淋

送日本東藏主遊台鴈

台山之東鴈山西有一句子無人提忽然蹉口道得
着五百尊者俱掀肩礮下水流峯頭雲起青松瑟瑟
白石齒齒寶頭盧或往或來諾詎那乍彼乍此直饒
回向如來乘也是陳年爛葛藤教外別傳重舉似千
尋海底剔金燈

送徑山空維那

井底蓬塵山上鯉大家坐聽爐邊水三登九到不惺
惺少室誰云有皮髓此事將心謾度量山河爲汝長
敷揚虛空開口笑不已露柱燈籠爭放光興化打克
賓叢林如鼎沸須是金毛師子兒一聲哮吼吒沙地

送訢侍者叅松月翁

二祖安心三祖懺罪依稀無孔鐵鎚彷彿冬瓜印子
只因祖父相謬殃及兒孫未已拈來糞埽堆頭拋向
洞庭湖裏扶桑有箇衲僧愛弄些兒唇紫暗中一踏
踏着明處一提提起山僧撫掌呵呵畢竟是何道理
論賞也擊碎驪龍明月珠論罰也敲出鳳皇五色髓

賞卽是罰卽是去見松月老人必有方便爲你

送月侍者江西禮祖

但有一月真無非復無是靈山話不出曹溪亦空指
往見馬大師歎箕月相似團團無縫罅落落全終始
八十四人中歸宗較此子其餘善知識總在光影裏
自己不是渠渠正是自己逗到光影消吸盡西江水

送義禪人遊台鴈

昔年有箇閩丘老不識豐干空懊惱寒山拾得恣顛
狂走入溪林無處討永嘉得得訪曹溪遶牀振錫呈
威儀松風江月只如舊悟者自悟迷者迷也無迷也

無悟俊鷹不打籬邊兔萬里無雲海月高脚頭脚尾
通天路

送徹侍者禮補陀兼省師覲親

寶陀大士逢不逢千里萬里圓光中本生父母見不
見動靜去來常會面離師太古所嗤無師自悟今
其誰看他臨濟省黃檗是真弟子超於師徹禪好箇
赤梢鯉辰錦砂兮未爲比一聲霹靂飛上天蝦蟆蚯
蚓空攀緣

送括禪人仗錫省師并東仲默和尚

仗錫老師七十八眼如點漆眉如雪分明畫出須菩

提坐聽孤猿吟落月深山古寺天正寒葉深一尺堆
牀前地爐燒火簾不捲袈裟黑似炉中煙客來只恐
放煙出爭奈山林藏未密喧喧道價滿江湖負笈挑
囊固非一千里東歸頻寄聲乃翁終是有鄉情目連
鷲子神通妙何必區區圓相呈

送淨慈明侍者回東山

南屏山中五百衆大有神通并妙用可憐辛苦賓頭
盧無時不赴檀門供就令侍者托鉢歸眼上不惜長
長眉問渠扇子在何處臨風更索犀牛兒犀牛兒怎
描貌王維筆下丹青薄西湖煙雨漫遮藏日出東山

露頭角

送拈藏主首師

正月六日初得春千花百草皆精神壽山拄杖活鱗
鱗敲風打雨尤驚人拈禪得之不妥用臨機殺活能
擒縱洞山五位敢施呈臨濟三玄休賣弄尋常放在
臥牀頭直與佛祖爲冤讐頂門眼照大千界是何起
滅同浮漚一卓卓碎駕湖雪一點點開鄞嶠月與師
平出固難爲見過於師豈虛說却因拄杖思壽山翻
然又逐春風還

送均禪人禮祖

佛法不怕爛却一任填溝填壑普天匝地漫漫直是
無人說着而今舉起又何妨也勝供養燒楓香一大
藏教閑故紙信手拈來聊拭瘡震旦雖濶無別路四
七二三面相覷馬駒踏殺天下人般若多羅休寐語
贈智浴主誦經化柴

好箇金剛正體廓然無表無裏從來不受一塵畢竟
如何澡洗既不洗體亦不洗塵沒蹤跡處切忌藏身
却來聲色堆頭坐枯木花開別是春藥王昔日然兩
臂一念道心終不退正體堂堂忽現前後人不肖焚
身意七軸蓮經豈在多只將者箇化檀那時時打鼓
邀僧浴免使無柴閣冷鍋

送石霜枉首座歸國

家住海門東扶桑最先照迷卽天陰性地昏悟來日
出心光曜玉在山水而木潤珠沈淵而媚川肘後符靈
兮掃除佛祖頂門眼正兮開鑿入天風颯颯時寶華
座無說而說冷湫湫地枯木堂不禪而禪袖中取出
唐朝物兔角龜毛一串穿

送彭禪人歸里

一二三四五甘草甜黃連苦新羅國裏會上堂大唐
國裏未打鼓五四三二一黑似漆明如日牧羊海畔

女貞花拒馬河邊望夫石妙中更妙玄中更玄現成
公案白日青天天上天下三指七馬釋迦彌勒是空
名不知誰是安名者大海一滴水須彌一寸山若將
心放捨處處是鄉關

送的藏主歸里

日本師僧皆可喜不憚鯨波千萬里捐軀爲法到南
方如此出家今有幾的禪的是禪家流密證潛符更
奇偉從來佛祖是生冤肯認山河爲自己五千餘卷
紙上語却笑癡蠅鑽未已自家寶藏無一物盡大地
人提不起提得起歸去來東風入律梅花開

送天寧諡藏主回淨光

永嘉老子錯行脚被人呼爲一宿覺曹溪只是箇樵
夫佛法何曾解叅學三千威儀八萬行一拶清風頓
銷鏢偶然撰得文字成被人喚作真丹經泥裏洗土
不啣啗畫蛇添足空丁寧看渠兩著渾未是學者焉
能出生死如來藏裏本無珠萬古虛名掛唇齒諡禪
之口吞諸方爲我殷勤問淨光有珠無珠要渠答永
嘉老人應著恁說與如今甚時節莫戀松風與江月

送因維那省親

人人有箇生緣快馬只消一鞭達磨不來東土二祖

不往西天道人生緣在何處萬水千山任來去去來
 曾不隔纖塵日用堂堂全體露蓋天蓋地亘古亘今
 不是正法眼藏亦非涅槃妙心諸佛非我道虎頭戴
 角出蒼草父母非我親掣斷金鎖天麒麟出門隨步
 清風發千里萬里阿剌刺

送澤禪人

神鋒戍削荆山之璞雖是後生甚堪雕琢鳳凰臺上
 鳳凰兒羽翼解笑雲鵬遲諸方往往罩不住要識第
 子觀其師南岳磨甌不成鏡打牛是中當時病馬駒
 踏殺天下人具眼方能辨邪正古今得道如雲煙上

人齒少宜勉旃但盡凡情無聖解饑餐渴飲且隨緣

送興藏主游金陵

春山青春水綠一枝兩枝梅花開十里五里村路曲
 石城雲影聚復散草店雞聲斷復續描也描不就畫
 也畫不成檢盡五千四十八更無一字能品評道人
 笑我虛開口矢上加尖成漏透背却法堂穿草鞋井
 深綆短終難構

送心禪人

心不是佛知不是道南北東西何處尋討稀復稀少
 復少二千年事只虛傳三寸舌頭胡亂掃麥浪堆中

撰述
卷之十一
十一
釣得蝦紅炉煖上拈來草

送蔣山皎藏主

鐘山龍蟠石城虎踞覲面相呈更無回互笑他多口
老瞿曇乘之二兮乘之三衆生根器既不等往往玉
軸堆琅函道人見處天然別四句皆離百非絕鐵網
忽捲滄溟乾珊瑚枝枝撐着月

送源維那

羣靈一源假名爲佛春雨濛濛春風拂拂梨花淡白
柳深青滿目江山如畫出髑髏常干世界鼻孔摩觸
家風會得蚶吞鼈鼻不會虎咬大虫會與不會著甚
歎急道人行處火燒冰萬仞峯頭獨足立

送森藏主

鐘樓上念讚牀脚下種菜猛虎當路坐雞嶼洋無蓋
森禪曰東來意氣何慷慨開口吞佛祖不嫌牙齒礙
諸方奇特語無一念心愛只是舊時人方能明下載
山僧却喜渠早晚付鉢袋

送基禪人

現成甚業不用安排直下構取好箇生涯寒卽著衣
饑喫飯梵行已立所作辦若將知解汗曾襟如象溺
泥深更深却須叅扣善知識百城煙水逢知音山僧

略爲施方便楚越旣吳會歷徧笠下清風只自知杖頭明月無人見

送道場傳維那

佛祖不傳之祕訣百草頭邊俱漏泄海神怒把珊瑚鞭須彌燈王痛不徹等閒驚起蒼弁峯走入傳禪懷袖中金鎚一擊百襍碎散爲七十二朶青芙蓉拋向面前人不薦更饒抖擻裙衫看猛虎依巖百步威目光燦爛如飛電却憶大雄山下客狹路相逢曾築着
廟勝將軍坐碧油聽他猛士施籌策

送寧禪人禮祖

青山白骨非祖師脚下過去都不知覓得伽脛要何用穿雲度水空奔馳阿魏無真水銀無假本自現成徒勞知解長慶走出僧堂門捲起簾來見天下

送性禪人

色不到耳聲何觸眼靈利衲僧切忌擔板便與麼去猶欠一槌光前絕後流俗阿師眨上眉毛早蹉過撩起便行成滯貨孟嘗門下客三千檢點將來無半箇

送清禪人之九江

近離浙右遠屆江西我有一機覲面親提舡過鄱陽湖裏浪却來五老峯頭望靜耶動耶試甄別心也境

撰述
九石齋卷一
也俱凋喪和羅飯骨董羨隨家豐儉暢子平生如何
南北馳求者本有光明却面墻

送吉禪人

道道紅爐燄上一莖草禪禪河裏盡是木頭船
出世遇人不著苦口勸渠行脚衣內自有明珠晝夜
光燭烜赫會即便會慎勿沉吟墻壁瓦礫總是知音
不見廣額屠兒業識全無本據放下手中屠刀我是
千佛一數

送直藏主

宗門下事如鐵壁使盡神通入不得拈起吹毛一口
劍西天此土血滴滴天寧豈是超諸方凡聖同居常
寂光各有生涯無欠少大千捏聚一毫芒如來藏裏
珠呈似山僧看拂袖出門去迅雷同閃電泥塑金毛
師子兒野干之輩何能爲

送珠藏主回廣

廣南鎮海明珠當甚泥搓彈子拋向坵圾堆頭直得
價增十倍與麼齷君顛倒欲樂不樂兮足不足自家
屋裏奇特事回天輪兮轉地軸羅羅哩羅羅哩教外
別傳有什麼一狐疑了一狐疑

送方禪人回仰山

譬如室有六窻內外獼猴相喚忽然一箇睡着兩箇
同得相見仰山親到中邑來淨潔地上飛塵埃大丈
夫兒殺活手逢人撥着青天雷多處添些子少處減
此子不論是不是對面二千里

送福禪人回闕

玄沙不出飛猿嶺大地拈來作胡餅兩箇泥人努眼
睛從他一肯一不肯秋到菊花黃蝦蟇着錦襠叢林
開浩浩徧界絕遮藏甘草甜黃連苦五五從前二十
五鼻孔人人搭上唇貓兒箇箇捉老鼠

送觀禪人禮五臺

五臺山裏文殊坐斷清涼世界幾回劫火洞然畢竟
燒他不壞舉頭便見攝身光南北東西古道場利劍
分明截人我普天而地何茫茫牽牛老子如相遇又
手進前輕把住前三三與後三三歸到南方無問處

送道禪人

四七二三無授受一一面南看北斗刹竿頭上仰蓮
心風攪叢林師子吼真不掩偽曲不藏直拄杖昂頭
草鞋生翼百煉精金無變色善財行處無荆棘東平
撲碎瀉山鏡臨濟未是白拈賊

送慶禪人

要識無位真人尋常少喜多嗔遇夜熟眠一覺起來
沒處藏身喫粥了洗鉢去太分明休莽鹵地撮來
無寸土南泉不打鹽官鼓

送幸禪人

從上祖師鬼門貼卦後代兒孫千變萬化訶釋迦慢
彌勒金剛取泥處屋裏人知得好不資一毫醜不資
一毫虛空釘鐵櫪平地輓波濤心吃吃口嘮嘮殊不
知我王庫內無如是刀

送密禪人

通身是眼不見自己罵之則嗔贊之則喜阿呵呵好

大哥知恩者少負恩者多江上青山不改天邊白日
如梭開浩浩靜悄悄直須當處解脫不被塵勞纏繞
管甚諸方五味禪羹箕苕帚從頭掃

佛日普照慧辯楚石禪師語錄卷第十五

音切

錚匹迷切刮古猾切橈如昭切竊丑知切鷄烏間切拉力合切糲

力葛切韆多鄧切饋子旦切船捕格切檜古會切蘖魚列切森標音

罈呼嫁切啗尺之切鄧五斤切弁皮彦切烜丁達切

喜與優婆塞張明廣男張科會勸僧智洪 衆信

英法純 張廣瓚 黃真達 李道瓚 葉標

海峽共施銀刻此 真月王國英書 溧水端學堯刻

善層庚寅秋五臺山妙德菴識



七
九